

**ARIADNE
RHETORUM
MANUDUCENS AD
ELOQUENTIAM
ADOLESCENTES, EX
IJS ERUTA...**

Luigi Giuglaris, Antonio
Briccio



M: S

6

7 d

22


M

P. J. Carali


to the C. R. M. t.



John



136
Adversum Franciscum
Fubella Soc. J. 1723



ARIADNE RHETORUM

Manuducens ad eloquentiam
Adolescentes,

Ex ijs eruta observationibus, quæ
circa praxim oratoriam

Man. facultatis

Excepit olim in
Collegio Taurin.
Societ: JESU.

ANTONIUS BRITIUS
Theologus, & Sacerdos Braidenfis.

A. P. ALOYSIO JUGLARIS
ejusdem Societatis.
Permissu Superiorum

EBORÆ, Cum facultate Superiorum, ex Ty-
pographia Academiæ Anno Domini 1714.





Sal:

Bonae vestro damus assensu,
qui minus possumus nostra.
Complanatam ad eloquenti-
am viam qui quaesierit, ubi
libellum hunc attentè percurrerit,
invenisse se credet. Pompa in illo
verborum nulla; observationum ve-
rò utilitas non exigua. Iudex idem
est, qui lector. Hanc donet auctor
amantissimo discipulo veniam, ut ul-
tro Typographus offerat, ab eo toties
antea negatum opus. Prodi debuit,
prodesse si potuit.

OB.

[1]

RELECTED
ROMA
GREGORIO EMANUEL

OBSERVATIONES

*Ad enodandas difficultates, quæ
Tyronibus oratoriæ faculta-
tis occurrunt.*

UTILITATEM hîc specto:
non elegantiam præceptio-
num; mitto phaleras, &
Prolegomena. Quæ ex Oratorum
operibus potius, & longo scribendi
usu, quàm ex Magisterio Rhetorum
observaverim circa structuram orati-
onis, paucis expediam. Qui prolixiora
velit, & politiori stylo descripta, ha-
bet in manibus labores multorum.

OBSERVATIO I.

Circa Propositionem Orationis.

ORatio, præcipuum oratoris
opus, nihil aliud est, quàm
ordinata quædam verborum,
sententiarumque congeries ad unum
aliquid



aliquid suadendum, vel dissuadendum.
Plures habet partes, & alias quidem
necessarias, sine quibus oratio esse non
possit, ut est Propositio, & Confirma-
tio, alias integrantes, quæ faciunt ad
perfectionem, ut Exordium, Narratio,
Peroratio. Narratio, & Confirmatio
valent ad docendum, Exordium, &
Peroratio magis faciunt ad commo-
vendo animos.

Conditiones Propositionis assignā-
tur: Prima, ut sit una: ex illius enim
unitate desumitur unitas orationis.
Secunda, ut extendatur ad totum id,
quod in oratione tractatur, hoc est, ut
in illam, tanquam in metam omnia
argumenta colliment. Tertia, ut sit
ita clara, ut non modò intelligatur,
sed nec possit non intelligi. Aliæ
conditiones, quæ afferuntur, sunt
magis propriæ Demonstrativi. A.
Propositione pendere potissimum
arbitror captationem benivolentia.
Illa enim sollemnis formula: **Rogo**
vos,

vos, ut attentè audiatis : & puerilis est, & ridicula; Hinc

Observo primò duo esse Propositionum genera, ad quæ, vel si nolis, summopere attendit Auditor. Primum genus Propositionum, quæ ad commoda nostra redundant, ut sunt propositiones, quæ continent formationem morum, vel spectant ad Politicam, vel Oeconomicam : neque enim valde rogandus Mercator, cum numerantur pecuniæ, ut attendat. Hinc videmus Concionatores eos potissimum probari populis, qui moralia tractant, ut loquitur vulgus. Econtra verò non ità probantur ij, qui speculativa tantum, & remota a vulgi cognitione disquirunt. Secundum genus Propositionum, quæ excitant attentionem, sunt illæ, quæ habent novitatem, & non ità trita sunt ; ad hujusmodi enim arrigere aures solemus avidissimi sciendi mortales. De his observatione sequenti.

Moneo secundo, in concionibus curandum esse, quantum fieri potest, ut *Propositio* sit practica, vel si sit speculativa, & spectet ad cognitionem, faciat tamen ad concitandum affectum aliquem peculiarem, quem tanquam aculeum relinquat in Auditoris animo. Explodendi enim planè à sacris exedris ij oratores, qui *Neroni* per similes cum ardere urbem, atque adeò orbem ipsum videant, inanes, ac poeticas cantilenas interim promant, non attendentes, nec quid ab ijs *Rhetorica* exigat, nec quid *Conscientia*.

Moneo tertio, examinandas *Propositiones* concionum, attendendo, quàm bene cohaereant loco, tempori, personæ dicenti, & audientibus; ex hujus enim rei negligentia non minimùm plerumq; peccatur; in mundo enim vix aliquid est, quod absolute sit bonum, atq; ità vix ulla est *Propositio*, quæ taceri non debeat, & aliquibus,

quibus, & alicubi, & aliquando: Si enim probares coram Principe Monarchiam esse optimum administrationis genus, gratissimus accideres: non item, si hoc ipsum in libera civitate concludendum assumeres. De tempore item attendendum, an sit Pacis, an Belli, an exigat terrorem, an spem, & sic examinanda alia, quæ ad Oratorem, & Auditores spectant. Quare optimum est Oratori novo in aliqua urbe consulere peritiores, quænam & res & verba sint, quæ male audiantur in locis.

Monco ultimò, quæ ad Propositiones Concionum, nullam esse debere [si excipias Panegyricas] quæ non habeat obsequiantem sibi, & concomitante affectum aliquem, & hoc est, quod in Ludovico Galiardo Concionatore Societatis nostræ tantopere admiratur Federicus Borromæus in lib. de claris sui temporis oratoribus.

A 4.

OB.

OBSERVATIO II.
*Circa Rationem dandi novitatem
 Propositionibus aliqui satis
 tritis.*

ASserunt communiter Rhetores, Propositionis nullam dari inventionem, illam enim ferunt secum quodammodo causæ ipsæ; Tota igitur difficultas Propositionis erit in modo proponendi, qui ad hoc, ut attentionem conciliet, debet habere vel utilitatem Auditoris annexam, vel novitatem, ut aut proficit, aut placeat.

Cavendum tamen, nè ex illecebra novitatis degeneremus in ineptias, & dum nimium studiosè venamur attentionem Auditorum, ex ostentationis suspitione eorundem benevolentiam amittamus: Ridiculi enim illi, qui proponunt Virginem fuisse majorem DEO, Sanctum Joseph totum superparem Trinitati, Tribulationem esse jucundam

juvundiozem Paradisi gloriã: nam
in his una cum novitate, quã placent,
est admixta temeritas, quã non pla-
cent.

Quandoquidem igitur Oratoris, sa-
cri præsertim, munus exigit, ut mo-
ralia tractet, & hæc tritissima sunt.
Magna est difficultas in modo propo-
nendi, quã voluissẽ clariùs ex-
planatam ab ijs, qui facultatem no-
stram plenius attigerunt. Non enim
vidi hætenus traditam rationem,
qua possit propositio Vulgaris, & Tri-
na ita proponi, ut tanquam nova, &
admirabilis debeat excipi ab Audi-
tore cum plausu. Mihi si liceat, quid
de tota hac re sentiam, paucis edice-
re: supponam primò varias esse
qualitates Propositionum. Aliæ enim
sunt in genere Actionis, & intendunt
aliquid agendum ab auditoribus;
aliæ in sola cognitione persilunt:
aliæ sunt absolutæ, hoc est sine ulla
comparatione, vel dubitatione, qua-

tes sunt illæ, in quibus non sunt huiusmodi particulae; Utrum, Si, An, Magis, Melius, aut aliud comparativum. Aliæ sunt propositiones Problematicæ; ut, an expediat, &c. Aliæ comparativæ ut: Utiliorem esse Reip. seditionem, quam orium. Aliæ conditi natiæ, ut: Posito, quod non peccasset. Adam, an fuerint futuri Principes. Aliæ universales; Aliæ particulares. His suppositis,

Dico primò Propositionem, quæ sit certissima apud omnes, reddi novam, si efferatur problematice. Sit exemplum. Volo probare ambitionem perniciosissimam mundo esse. Hæc propositio acceptissima est apud omnes; ad illam tamen non ita attendit Auditor, ac si problematice disquirendum proponas: Potiorane ab ambitione damna mundus acceperit, an verò comoda. Hic autem modus latissimum aperit Amplificationibus campum. Recreat etiam
mi

mirificè auditores pugna illa rationum, quæ afferuntur in utramque partem.

Dico secundò Propositionem absolutam novam aliquando fieri per comparisonem. Sit exemplum. Mali aliquando utiles sunt virtuti. Nihil habet hæc Propositio dignum attentione. Fiat comparativa hoc pacto: Virtutem plura improbis debere; quàm probis: & illico admirabilis est. Tota autem admirabilitas provenit à comparisone. Cavendum autem, nè comparatio ista fiat, nisi cum rebus, de quibus magna sit opinio in eo genere, ita ut vix putet aliquis non solum præferri, sed nè conferri quidem caposse.

Dico tertio propositionem novam fieri, si fiat mutatio de genere in genus. Explicabo me. Certum est, aliud esse vituperare, aliud laudare; igitur ex intentione laudandi proponas velle te tantum peccata dam-

A. 6.

mnare,

minare, fit transitus de genere in genus; Hac arte scripsi olim objurgationem encomiasticam, in qua maximas laudes viriorum nomine ornavi in Oratore præstantissimo; Huc etiam spectat alia ars, quâ Panegyrim institimus de his, quæ vix ulla ratione videantur posse laudari. Ut si quis maledicis Panegyrim polliceretur; transitus enim ille, ut minus expectatus, ita etiam magis novus.

Dico quarto Propositionem novam fieri, si videatur ex contradictorijs conflata. Sit exemplum. Minus dura mors est miseris, quam felicibus. Riet hæc admirabilis assumendo contradictoria hoc pacto. Felicitatis genus esse infelicem mori. Iisdem omnino argumentis probatur utraq; Propositio, & tamen secunda habet venustatem, quam non habet prima.

Dico quinto, Propositionem novam fieri reductam ad paradoxum; hoc est propositam per modum rei ab opinione

opinionem hominum valde remotam.
 Sit exemplum. Vult probare aliquis
 hominem multorum sibi malorum
 auctorem esse. Fiet nova propositio,
 si dicat miserum esse neminem, nisi
 à se ipso. Quando propositio erit ita
 incredibilis, ad conciliandam majorem
 admirationem poterimus ad illam
 venire per exordium, quod explicet,
 quam non immerito videatur
 incredibilis assertio illa: ut si velis
 probare, Sacerdotem *DEI* ipsius *Do-*
minum esse; opportunum erit probare
 in exordio, ex rebus creatis nihil
 eò usque crescere, ut se *DEI* eximat
 servituti. Sed hæc ex ijs, quæ de Propositionibus
 in exornativo subijciam, clariora fient.

OBSERVATIO III.

Circa rationem variandi Propositionem.

In genere judiciali diversitas
 causæ ita diversam efficit Propositionem

sirionem, ut non egeat peculiari præcepto.

In Deliberativo verò ratio utilis, quæ comprehenditur in omni Propositione, variari potest, si hæc ratio Generica magis specificetur: specificatur autem vel ratione subiectorum, in quibus est: & sic dicemus jejunium utile esse animæ & corpori; vel ratione temporum, & sic munitionem Urbis utilem esse rebus præsentibus, & futuris; vel ratione locorum, & sic eleemosynam non minus in cælo, quam in terris beare hominem; vel ratione ætatum, & sic studium senibus, juvenibusque prodesse; vel ratione conditionum; & sic non minus pauperes, quam divites posse ab eloquentia habere præsidium; vel demum ratione statuum, & sic moderationem utilem esse rebus prosperis, & adversis. Quæ ratio dividendi notanda est diligenter: ex Aristotele enim amplificationum
omnis

omnium radix divisio est. Possumus
etiam in hoc genere variare Proposi-
tiones alijs rationibus; fingendo,
exempli gratiâ, electos nos esse ab
æquitate, qui in tam bona causa pa-
tronos agamus, teneri nos ad Apolo-
giam contra ea, quæ cum injuria ve-
ritatis objecerint alij, & his similia.

Quandoquidem verò, ut rectè mo-
nuit Aristoteles primo Rhetorica-
rum, ita plerumque permiscentur
inter se tria genera causarum, ut una,
& eadem Propositio habeat ex se,
quòd sit judicialis; ab intentione O-
ratoris, quòd sit Deliberativa; & ex
aliquo alio capite, quòd sit Demon-
strativa: proinde non ita facile est,
tradere ullam aliquam rationem, quâ
possint omnes variari; id enim pen-
det magis propemodum à dicentis
ingenio, quàm ab arte aliqua: subji-
cio tantum nonnulla, quæ in
Panegyricis summo opere
utilia sint.

O B J

114

OBSERVATIO IV.

Circa varias rationes variandi Propositiones in

Exornativo.

Praeter rationes, quae ex dictis colligi possunt, variari potest Propositio in exornativo primo eo ipso modo, quem diximus in Deliberativo, ostendendo ea, quae consuleremus alteri, fuisse in eo, quem laudamus, & sic utilem fuisse illi rebus privatis, & publicis, paci, & bello, prosperis, & adversis, &c.

Secundò, reducendo statum illius ad Ideam, ut, si sit Episcopus, ostendendo in illo germanam Episcoporum Ideam; si Princeps, Principis, si Judex, Judicis: ad quod utile erit nosse virtutes proprias uniuscujusque vitae generis, ut est Principis magnificentia, & magnanimitas, Episcopi Charitas in Deum, & proximos, religionis zelus, cura pauperum. Ridiculus enim esset, qui monacho virtutes

tes.

tes tantum proprias activæ vitæ applicaret, & Præfidi peritiem Musices, & Geometriæ.

Tertia ratio, reducendo ad unam aliquam virtutem omnes illius actiones, & ostendendo vel ex una, qualis fuerit in cæteris, Itæ in S. Carolo, alij sapientiam, alij charitatem, alij demissionem animi singularem proposuerunt admirandam. Ad hoc genus potest reduci id, quod faciunt nonnulli, assumendo ex unius Sancti virtutibus unam duntaxat aliquam actionem, quam demum amplificent miris modis, quæ ratio nec rudem, nec jejunum exigit Oratorem. In hujusmodi ratione id potissimum cautum velim, nè propterea, quod uni duntaxat ejus virtuti, aut facinori inhaesisse videmur, idcirco non utamur etiam cæteris, quæ in eodem viro maxima sunt, licet extra propositionem nostram posita. Ad ingenerandam enim maximam de illo opinionem

in

in Autoribus opportunum cenſeo, illa etiam non omittere : quod poteſt fieri vel per conceſſionem, hoc ferme pacto. Scio alios admirari Demiſſionem illam animi, qua, &c. Conſtantiam, qua, &c. Fortitudinem, qua, &c. Ego tamen hoc potiffimum prædicandũ ſupra cætera cenſeo, &c. Vel per præteritionem, ut : Potuiſſem ego excurrere in illa egregia planè facinora, &c. Non me putetis, huic ideo in hæſiſſe, quaſi non ſupere-
rent ampliora. Conſultò præterij hæc, & hæc, & hæc. Vel : Abſorbent illa admirationem meam, veſtram fortasſe magis illa, quibus adeò ſibi demeruit, &c.

Quarta ratio, ſi proponamus de illo contradictoria, & dicamus, fuiſſe quempiam divitem mendicum, prodigum avarum, humilem ſuperbum, pumilionem gigantem. Hinc monſtra illa, quæ in viris ſanctiſſimis tantopere celebrant permulti, ità audi-

vi proponentes; exceptosque cū plausu magnos Oratores.

Quinta ratio, si problematice quæramus, utra in re magis excelluerit, ita enim facile comprehendimus, quæcumque de aliquo dici possint: ita de Beato Francisco Borgia aliquando proposui; magisne se junctus à se fuerit, an cum DEO conjunctus; & hæc ratio nec inutilis, nec injucunda est.

Sexta, comparando illum alijs, qui apud homines maximo sunt in pretio, quæ ratio indigna magnâ prudentiâ: ut enim bene D. Hier. de Sanctorum meritis periculosum est disputare; & omnis comparatio odiosa summopere est. Compararem ego potius ad normam aliquam actionum humanarum, & dicerem, aliquem fuisse secundum cor DEI; sanctissimos quosque perfectiorem animam delineare suis nescire præceptis. Hac ratione audiui ego magnum Oratorem, qui in Panegyri
S. Am.

S. Ambrosij totus fuit in eo, ut ostenderet ipsum fecisse, quæ docuit, conferendo ea, quæ egerat cum ijs, quæ unumquemque agere debere præscriperat.

Septima, erigendo cūpīam, ex græcolosso, aut templum, aut imaginem delineando, aut coronam texendo, aut trophæum, & pyramidem statuendo, aut Apotheosin celebrando, & his similia; Ità Marinus Poëta, utinam ità castus, ac ingeniosus, Mariæ Gallorum Reginae templum planè elegantissimum posuit; & Carolo Allobrogum Duci imaginem, quam inscripsit ad Eginum pictorem; ut iterum alios auctores omittam, qui visi sunt huiusmodi ratione plurimum delectari.

Octava est per Propositionem metaphoricam, pro qua sit

OBSERVATIO V.

Circa propositiones metaphoricas in exortatione.

CON,

Contendunt plerique Rhetores Propositionem Metaphoricam omnino damnare, tum quia magnam non ingeneret rem opinionem, de qua dicimus, tum quia similitudine illa, per totam orationem producta, videatur lædi varietas tantopere commendata. Ego non video, cur in has redigi angustias Oratorum ingenia debeant. Fateor quidem non quuscunque esse Propositionem Metaphoricam pro dignitate pertractare, qui enim vel minus eruditi sunt, vel minus ingeniosi, in istam multa delirant, ut nec ullam de aliena virtute, nec de propria facultate, per huiusmodi propositiones in Auditorum animis ingenerent opinionem.

Ut verò respondeam ad ea, quæ contra huiusmodi propositiones obijci solent; Moneo primò ita eas exponendas, ut mitigetur metaphora, expliceturq; quodammodo sensus.

sus proprius; si enim quis absolute
 proponat, Iprobaturum se S. Joan-
 nem Aquilam esse, videtur velle im-
 ponere Auditoribus suis; si autem sub-
 jiciat fuisse Aquilam, quæ lynceis ocu-
 lis ipsam etiam Divinitatem attige-
 rit, & se supra humanitatis tellurem
 attollens scrutata cælum, ejus ad nos
 arcana detulerit, & his similia; hæc
 Metaphoræ mitigatio assumit Meta-
 phoram illam tantum, ut ejus benefi-
 cio elegantius explicentur, quæ in
 tanto viro præclariora sunt. Moneo
 secundo cavendum diligenter, nè
 hujusmodi Metaphoræ desumantur à
 rebus sordidis, vel ludicris, vel ita
 disparatis, ac remotis, ut vix cum re
 proposita habeant Analogiam. Quare
 advertendum diligenter, ut proprie-
 tates, quæ insunt Metaphoræ, con-
 tineant ipsam quodammodo partiti-
 onem orationis.

Tertiò curandum, ut hujusmodi
 Metaphoræ capaces sint multiplicis
 eru-

eruditionis. In Panegyricis enim ad levandum fastidium narrationis plurimumque notissimæ Auditoribus, requiritur ingens ornamentorum copia: alioquin orationem ab Historia vix distingues.

Subjicio varias Metaphoras, quæ ad hoc utiles esse possint: desumuntur aliæ à rebus cælestibus, à Sole, Luna, Cælo, primo mobili, &c. A Sphæra Ignis, à tenuitate aeris, à Phœnice, ab Aquila, à Columba, à Monocodiata, seu Paradisiaca ave; à Leonibus, ab Arboribus, &c. & alijs spectantibus ad ordinem naturæ. Ità Ignis de S. Ignatio, Nilus de D. Hieronymo, Sol de D. Thoma, Margarita de cognomine Virgine.

Possunt etiam desumi à rebus ad artem, vel ad civilia, & artificiosa spectantibus, qualia sunt commentarius de Syndone, monstra de S. Juvenale, spectacula de S. Agnete, motus perpetuus de S. Francisco Xaverio, & his similia.

Alij



Aliquando desumitur à peculiari-
bus professionibus, ut ità loquar; sic
dicimus Philosophum Christianum,
novum Geometram, &c. Aliquando
à personis celeberrimis, ut novum
Herculem Gallicanum, novum Tris-
megistum, Achillem Italum, &c. Sed
de singulis velle præcipere, non est
aut hujus loci, aut temporis: hæc indi-
casse sufficiat.

Occasione nuptiarum, fient Epi-
thalamia: natalium, Genethliaca; vi-
ctoriæ, Epinicia; funeris, Epicedia:
tunc autem res ipsa ferat secum Pro-
positionem suam. Quæ verò capita
exigant hujusmodi peculiare orati-
ones; indicabo paucis in fine hujus
operis.

OBSERVATIO VI.

*Circa dilatationem argumenti mi-
nis ampli in genere exor-
nativo.*

NUlli laxior aperitur cāpus
magnis ingenijs, quā ubi an-
gu-

gustum est argumentum, ubi enim res non redundant, ex Oratoris penuria supplenda omnia: observabo hic ego nonnulla, quæ hujusmodi difficultates, si quando incidant, lenire plurimum possint, & quidem cum unus proponitur laudandus, in quo aliquid laude dignum non sit.

Adverto primò hic potissimum locum amplificationis, si tamen, qui laudatur, non sit ita tenuis, ut molem Amplificationis sustinere non possit; tunc enim satius esset conqueri potius de ijs, qui in tanto viro neglexerint notare ea, quæ præclariora essent; vel ex ijs, quæ memoriæ prodita sunt per probabiles conjecturas eruere ea, quæ ab Historicis prætermissa. Hac arte usus sum ego aliquando coactus orationem scribere de SS quibusdam, de quibus id solum constaret posteris, quòd urbem à Gothorum obsidione defendissent. Proposui enim teneri cives, summa

B

reli-

religione venerari eos primo propter
 decora, quæ suis moribus patriæ con-
 tulissent; ubi questus sum de ijs, qui
 res illorum accuratiùs non descripse-
 rint. Secundo propter peculiare
 beneficium liberatæ urbis, quod fu-
 sius explicavi. Tertio propter ca-
 etiam beneficia, quæ vel mortui non
 cessarent conferre; enumerans enim
 pestilentias, bella, terræmotus, quæ
 alij pertulissent ijs temporibus, &
 non ipsi, contendi, id ab ijs benefi-
 cium agnoscendum. Quo modo au-
 tem unumquodque facinus ampli-
 cari possit, ita ut per se ad unam inte-
 gram orationem sufficiat, docebo in-
 frà, cùm de Amplificatione in genere
 exornativo.

Adverto secundo ita conjecturis
 nos uti debere in hujusmodi orationi-
 bus, ut Auditori nulla unquam pos-
 sit esse suspicio, uti nos mendaciis;
 ubi vera non suppetunt: neq; enim
 qui docemus amplificare, docemus
men

mentiri; sed tantum cum res plerumque interpretari possimus in bonam, & in malam partem, & assumere illas in materiam laudis, vel vituperationis, intendimus tantum docere, quo pacto id fieri citra vitium possit. Cujus rei gratia

Adverto tertio, quod cum vitia omnia æque opponantur virtutibus, ea tamen, quæ peccant in excessu potius, quam in defectu, videntur habere majorem aliquam affinitatem cum virtute, ut temeritas cum fortitudine, astutia cum prudentia, prodigalitas cum liberalitate. Proinde cavendum diligentissime, nè ea, quæ fortasse vitiosa fuerunt, excusemus nomine virtutis, cum qua vitium illud nihil simile habeat; timiditatem enim bene interpretaberis Prudentiam, non item Fortitudinem: Versutiam vocabis Solertiam, non item Veracitatem, & sic de cæteris.

Adverto quarto, quando laudandus

dus aliquis in oratione funebri, pos-
 sumus excurrere in laudes avorum,
 filiorum, Patriæ, in qua natus, Prin-
 cipis, cui dicatus, & in alia hujusmo-
 di, quæ supplere possint meritorum
 defectum: semper tamen eâ adhibi-
 tâ in hujusmodi laudibus temperan-
 tiâ, nè videamur de maximis, & de
 minimis eadem dicere. Idem pror-
 sus cavendum in orationibus. quæ
 fiunt, vel cùm init aliquis Magi-
 stratum, vel cùm laureatur, & in alijs
 hujusmodi occasionibus, in quibus
 nihil æquè Oratori opitulatur, ac bre-
 vitas. Sed in his, ut in alijs, usus
 longè plura docebit. Ego sanè si
 argumentum sit itâ tenue, ut dici de
 eo non nisi pauca, & tritissima pos-
 sint, ut in solemnitatibus quibusdam
 martyrum, de quibus vix aliud extat,
 quàm quòd pro Christo perierint,
 malim assumere argumentum: magis
 genericum, ut de veneratione Mar-
 tyrum, de eorum apud Deum meritis,
 de

de patrocínio, quo commissas sibi urbes foveat; & his similia, quàm redigere me in angustias argumenti maximè proprij, de quo nec magna possim dicere, nec nova. Velim tamen hujusmodi argumentum, quod assumitur, tale semper esse, ut loco, & tempori, & Auditorum expectationi aliqua ratione congruat; unde non probarem eum, qui inter hujusmodi gaudia, vel de judicio disiceret, vel de morte.

OBSERVATIO VII.

*Circa rationem pertractandi
argumenta, quæ amplissi-
ma sunt.*

EGo, qui in ea sum sententias, quæ ità ligat Oratorem in genere Demonstratio, ut teneatur ante omnia maximam ingenerare opinionem de virtute illius, qui laudatur, non facile probaverim eos, qui in argumento amplissi-

B 3

mo

mo toti sunt in unius duntaxat commendatione facinoris; licet enim ex ungue leonem possimus describere, populus tamen exigit res illius, qui laudatur, sibi fusiùs explicari; quòd si cui in privata aliqua Academia, vel apud literatissimos, quibus res illius, qui laudatur, notissimæ sint, perorare contingat, tunc non improbarem hanc ipsam rationem amplificandi singularem aliquam actionem, ita tamen, ut cætera etiam, vel per comparisonem, vel per concessionem in memoriam revocarentur. Ex. gr. Volo amplificare facinus illud Chrysostomi, cum Eudoxiam Augustam ab Ecclesia prohibuit, possum dicere in exordio eloquentiæ tantæ prodigia, quæ tamen à tanta virtute superata sint, cum præsertim Eudoxiæ, &c. Narranda res, prout accidit, perpendendæ difficultates, quæ deterrence Chrysostomum potuissent, conferenda res cum aliorum persimilibus ausis,

MOX

mox & cum alijs ejusdem Chrysoſto-
mi, mox & per hujusmodi figuram
excurrendum etiam in cætera omnia;
Scio alios admirari in hoc Heroë to-
lerantiam illam, quâ, &c. animi ma-
gnitudinem, &c. charitatem, quâ, &c.

Circa hoc ipſum moneo, in hujus-
modi argumentis ita amplis vix eſſe
locum, ſi prolixitati conſultum velis,
amplificationibus peculiarium faci-
norum; ſi enim dicturus de S. Francis-
co Xaverio, exempli gratiâ, de quo
dici tam multa poſſunt, velis expen-
dere, & perſequi ſingula, terrebis
tanta mole miſerum Auditorem, qui
ſciat egregijs tanti viri facinoribus
non orationem ſolùm, ſed integrum
poſſe librum adimpleri. Dices, quo
pacto igitur ex una parte poſſimus o-
rationis modum non excedere, ex
altera verò nullam ijs inferre inju-
riam, qui cum nec parva, nec pauca
fecerint, non niſi & maxima, & multa
de ſe dici patiantur? Reſpondeo,

B 4

Am.

Amplificationem in hujusmodi orationibus non debere esse actionum singularum, sed virtutum; hæc enim amplificatio fit per enumerationes facinorum singularium, quæ in eo genere virtutis occurrunt, atque ita dicas, exempli gratia: Quis referat prodigia tantæ virtutis? Prodigia charitatis referent Veneti, apud quos, &c. referent Romani, quibus, &c. referent Lusitani inter quos, &c. Aliquando possumus redigere in unam seriem ea, quæ licet non sint in eodem Virtutis genere, sunt tamen in eodem patrata loco, vel eodem tempore, vel in gratiam personarum earundem, ut de S. Ignatio: Viderit illum Hispania viciatim, & viritim cibum emendicare, exuere omnem pristinæ dignitatis memoriam; inter infimas plebis minutæ quisquillas agere catechistam, &c. Viderit Gallia adducendis ad Christum adolescentibus intentissimum, &c. Viderit
Ro-

Roma, &c. Eodem tempore, ut; Tri-
 Manresano secessu fatear illum qui-
 dem fecisse hæc, & hæc, & hæc. Stu-
 diorum tempore sanctorumque sa-
 luti, cæterorumque vacasse, &c. Vel
 in gratiam earundem personarum.
 Quis referat, quo ardore animi ado-
 lescentiæ bonis intenderet, quibus
 scholas, sodalitia, &c. quis cogitet
 artes, quibus in vitiorum veterno so-
 pitos excitare conatus sit, quibus, &c.
 Non me fusiùs explico consulens bre-
 vitati. Hic sanè amplificandi modus
 cum paucis multa dicat, & ea, quæ
 sunt maximè propria illius, qui lau-
 datur, optimus est, & ad ingeneran-
 dam opinionem maximè factus. De-
 inde etiam multa, quæ per se nullum
 haberent pondus, alijs conjuncta,
 numero, cum mole minùs possint,
 pugnare non desinent: & hæc
 sunt, quæ de Propositione
 observanda cen-

sunt.

B. S.

OB1

OBSERVATIO VIII.

Circa inventionem, & dispositionem argumentorum.

Constituta Propositione, investiganda sunt argumenta, quibus eam probare possimus. Loca autem, unde hæc erui debeant, habes apud Tullium, Quintilianum, & alios. Hic autem indicabo tantum rudem aliquam praxim, quæ esse possit ad manum; perfecta enim argumentationum cognitio ad Logicos magis spectat; poterit autem hæc esse hujusmodi.

In genere exornativo Propositio ipsa, cum secum afferat suam divisionem, exhibet etiam primâ facie argumenta, quibus confirmetur Propositio: quod suppono satis patere ex ijs, quæ de Propositione jam dixi. In hoc autem genere argumenta alia non sunt, quàm ea ipsa, quæ gessit is, qui laudatur.

In

In genere etiam Judiciali causa ipsa, & ejus circumstantiæ secum afferunt suas probationes. Circumstantiæ autem omnes, aut certè potiores comprehenduntur hoc versu. *Quis, Quid, Ubi, Quibus auxilijs, Cur, Quomodo, Quando.* *Quis* spectat personam, *Quid* rei magnitudinem, *Ubi* locum, *Quibus auxilijs* præsidia ad rem ipsam, *Cur* fines, *Quomodo* modum ipsum, *Quando* Circumstantias temporis.

In genere verò Deliberativo, nec non in Demonstrativo, in Propositionibus, quæ spectant seu cognitionem, seu actionem [quandoquidem quidquid proponimus, vel suademus, vel dissuademus, vel accusamus, vel defendimus, vel laudamus, vel vituperamus] notandum in primis est, in quali genere sit Propositio. Si enim per eam suademus aliquid; inveniemus argumenta, attendendo bona, quæ ex illo proveniunt, & mala quæ

quæ per illud evitantur: è contra verò si dissuademus, asserenda bona, quæ ex illo impediuntur, & mala, quæ ex illo creantur. Dices adhuc esse difficile invenire bona ista, seu mala. Respondeo id facile reddi, si attendatur diligenter, quod mox dicam, & est principium ex quo latissimam habere possumus viam ad quancumque amplificationem.

Bonum, & malum vix in se cognoscitur ab hominibus: à fructibus, vel affectibus eorum uniuscujusque nequitiam, vel probitatem agnoscimus. Diversitas autem horum affectuum potest distingui, vel penès varia tempora, vel penès diversa subiecta, vel penès diversa opposita. Exemplo rem clarius explicabo

Sit propositio *Jejunium adolescentibus esse perutile.* Quandoquidem suademus jejunium, patet ex dictis, vestiganda bona, quæ proveniunt ex jejunio, & mala, quæ non proveniunt.

Boz

Bona ut agnoscas, compara jejunium ad partes hominis, nimirum ad corpus, & animam, & jam habebis divisionem argumentorum; quæcunq; enim enumeres bona, vel corporis bona, vel animi erunt. Subdivide jam animam in suas potentias, & habebis jejunium juvare memoriam, intelligentiam acuere, perficere voluntatem. Veniamus ad corpus, & attende, corpori quid sit utile, Sanitas, Pulchritudo, Robur, Agilitas, &c. & habebis plura argumenta ex bonis jejuniij.

Ex malis item, quæ jejuniij beneficio non incurruntur, duces argumenta, si afferas mala, quæ ex crapula, & ebrietate proveniunt. Hæc verò mala ut agnoscas, debes attendere, quænam opponantur multiplici hominis bono; bona autem hominis ex Aristotele primo Rhetor. cap. de Felicitate, vel sunt naturalia, ut in animo Memoria, Ingenium, Scientiæ,

entia, Artes, Habitus virtutum, &c. In Corpore, ut Venustas, Sanitas, Aetas florens, Robur, Agilitas, Facundia, &c. Alia bona sunt à Fortuna: Divitiæ, Nobilitas, Dignitates, Amicitia, & alia hujusmodi, quibus totidem mala opponuntur, Divitiis Paupertas, Amicitii Inimicitia, Nobilitati Ignobilitas, & sic de cæteris. Alia dona sunt supernaturalia: ut Prophetia, Dona linguarum, & sanitatum, Habitus Fidei, Spei, Charitatis, &c.

Penes varia tempora possunt etiam distinguere mala, & bona; & sic dicere aliquid malum, vel bonum esse rebus præsentibus, & futuris, juventuti, & senio. Item penes diversas conditiones, ætates, mores, ut jam supra explicavi. Possumus hæc ipsa distinguere penes diversa opposita. Ut si peccatum malum dicamus exco, quod opponatur DEO, & rectæ rationi, legibus tam divinis, quàm hu-

humanis. Sed, ut hæc omnia clarius explicentur, propono quandam veluti Analysim totius orationis in hoc schemate.

	Divi- sio.	Confirmatio.
Pro- posi- tio.	Quia jejuni- um u- tile :	Ingenium acuit. Memoriam de- fæcat. Perficit volun- tatem.
Jeju- nan- dum.	Ani- mo.	Valetudinem tuetur. Agilitatem, ac robur servat.
Adole- scenti- bus.	Cor- pori.	Laboribus a- ptissimum reddit. Virtutis usibus aptat, &c.

Ubi

Ubi vides Anatomiam veluti totius
 us orationis, & quemadmodum quid
 quid de jejunio dici possit, reducatur
 ad pauca illa capita. Omnia enim
 Apophthegmata, Adagia, Exempla
 præclara ad illorum aliquod com-
 modè reduces, sicut & mala, quæ per
 jejunium vitantur, ad aliquod ex his
 capitibus reduci poterunt: si enim
 mala animi sunt, vel ingenio, vel vo-
 luntati, vel memoriæ officiunt; &
 sic ad tria illa priora capita pertine-
 bunt: si verò ad corpus, ut morbi,
 pertinebunt ad secundam partem:
 quod enim valetudinem tuetur, id ef-
 ficat impediendo morbos, nè veniant,
 vel curando, si venerint: ex quibus
 facile quis in aliam quamlibet mate-
 riam potest hanc praxim transferre.

Non solum autem ab effectibus
 agnoscimus bona, & mala, sed & ab
 antecedentibus, concomitantibus, &
 consequentibus, à testimoniis divinis,
 & humanis: sed de his non intendo.
 hic

hic fufius difputare: & hæc quoad inventionem argumentorum rudi Minerva dictaffe fufficiat. Progrediar jam ad indicandam commodam aliquam rationem, quâ parare poffimus fylvam rerum, & eruditionum, nè inepti verborum confarcinatores magis, quàm Cratores videamur, in erudito præfertim feculo, cui non quacunq; re fatisfacias. Pro hoc fic

OBSERVATIO IX.

Unde, & quomodo paranda fylvæ rerum?

QUæ fpectant ad verba, & elocutionis delicias, five ad argutias, dicam infra in Observationibus circa elocutionem: quandoquidem autem multi toti funt in exaggeranda neceffitate rerum, quas vocant; quo pacto harum fylvam parare poffimus, paucis tradendum eft.

Ea, quibus indigemus ad ornandam, & roborandam orationem, vel funt

sunt testimonia divina; in quibus non solum colloco ea, quæ Deus ipse per se, sed, quæ per sanctos etiam viros edixit: vel humana; & hæc vel à vulgo, ut sunt adagia, vel à sapientibus, vel à magnatibus, ut Apophthegmata:

Præterea, ut similitudines lepidas possimus habere, necessaria est cognitio Proprietatum, vel Animalium, vel Insularum, vel Montium, vel Lacuum, vel Fontium, vel Fluminum, Gemmarum, Herbarum, &c.

Historia verò, & mores gentium ad multa possunt inservire, sicut & Poëtarum fabulæ, & Apologi Sapientum: Emblemata item, & alia hujusmodi: quod cum apprimè sciant, plerique solent corradere ex libris, quidquid invenerint, & ab ineunte ætate assuescunt palimpsestis, qui labor, non disputo, quàm sit utilis, ego quidem fateor optimorum lectione librorum nihil opportunius Oratori. Ad ju-
van;

vandam item memoriam non nega-
rim plurimum prodesse, si scribas,
quæ legeris: nostra tamen ætate, in
qua tanta est optimorum librorum
copia cum indicibus rerum, & verbo-
rum copiosissimis, tradam paucis ra-
tionem, quâ illi etiam, qui minùs at-
triverint libros, possint quàm eruditi
videri. Quod me assequi posse con-
fido, si in unoquoq; eruditionum ge-
nere indicarim auctores, quos adeas:
contra palimpsestos enim, quos dixi, id
potissimum est: quòd, qui semel mala
collegerint, vix demum curant alia
perquirere: amantur enim illa ex
odio laboris veriùs, quàm quòd per
seipsa probanda sint: collecta enim
ut plurimum in rudioribus annis,
quando erat minùs acre iudicium, &
ingenium minùs defæcatum.

Quæres hac occasione, probanda-
ne magis lectio Neotericorum, an
Antiquorum? Respondeo, in ea me
esse sententia, ut neutros arbitrer ne-
li-

gligendos; habent enim & novi laudes suas, quas & imitari, & assequi gloriosum sit. Si de auctoribus tamen loquamur, & non de rapsodis, & collectoribus, censeo omnino præferendam antiquorum lectionem, imò vix arbitror quenquam aut latinæ locutionis, aut peritioris artis posse naturam pernoscere, qui secus faciat: ridiculus enim es, si quempiam Tullij stylum putes melius expressisse, quàm expresserit ipsemet Tullius. Ubi novus aliquis auctor ab antiqui lectione didicit unam, aut alteram rem, cur tu, illò fortasse ingeniosior, ab ea ipsa lectione longè plures non eruas? Deinde hæc omnium brevissima est ad omnem eruditionem via; ut quid enim rivos quærere, ubi ipsos potes fontes commodè adire? Sed, his omissis, in instituto progredior. Pro testimonijs Divinis ex sacris Biblijs habes ad manus concordantias Bibliorum, flores
 item

item, & opus Antonij Balinghen, qui digessit totam scripturam in quosdam veluti locos communes, sunt & alij plurimi auctores è nostra Societate Scripturæ interpretes, quos potes consulere.

Testimonia PP. potes petere ab eorum indicibus, præsertim etiam ab indice Bibliothecæ PP., qui amplissimus est. Earum etiam præclara quæque collegit in tomos aliquot, & in suos locos digessit magna cum laude è Dominicana familia Lop.

Proverbia sacra habes à Martino del Rio collecta, à Novarino item in suis Adagialibus sacris. Profana collegit in chiliadas vir damnatæ memoriæ, quæ nunc expurgata Manutij nomen gerunt; sicut & Apophthegmata sapientum, in quibus præclara sunt, ita tamen, ut de illis etiam dici possit, quod de suis carminibus Marcialis. Sunt bona, sunt mala, sunt etiam mediocria quædam.

Quo?

Quoad Historias sacras consule Baronium, & Spondanum in Indicibus; Salianum verò in his, quæ spectant ad veterem legem. Est & Nicephorus, & alij Ecclesiastici; sed horum ferme omnia habet Baronius. Sunt item utiles exemplorum libri, præsertim verò Catechismi historialis Antonij Dauroltij: eruditissimus item in rebus Sacris est Franciscus Arias, Ludovicus Cresolius in Mystagogo, & in Anthologia, Ludovicus Cerda in Adversarijs Sacris, & in Tertullianum, Nigronius in Asceticis, Novarinus in Electis, Sacrisque Schediasmatis, Causinus in Symbolis, ut omittam cæteros.

Quoad profanas Historias habet præter auctores Sabellicum, Bonfinium, Contrarium, officinam Textoris, & præsertim Theatrum vitæ humanæ, cuius qui calleat usum, vix alijs collectoribus indigebit; difficilior autem hic est propter indices non

non ità clarè dispositos: editio tamen
 postrema, utpote ad Polyanthæ nor-
 mam redacta, longè commodior est.
 Moneo tamen, nè nimium fidas li-
 bris hujusmodi: multa enim habent,
 non ità consentientia veritati, & quæ
 fidem nullam mereantur, nisi profe-
 rantur auctores.

Mores gentium habes apud Ale-
 xandrum ab Alexandro, apud Cæ-
 lium Rhodiginum, & alios recentio-
 res omni eruditione dotatos. Pro-
 prietates gemmarum, herbarum,
 plantarum, locorum, metallorum,
 fontium, fluminum, petes ex Plinio,
 Majolo, Athenæo, Olao magno, &
 alijs Historicis de rebus Indicis, &
 novi Orbis.

Proprietates animalium collegit
 prius vir damnatæ memoriæ, deinde
 verò longè copiosius Ulysses Aldro-
 vandus Bononiensis, cujus in libris
 omnis ferme eruditio est.

Fabulas Poetarum habes apud O-
vidium

vidium, & copiosius apud Natalem Comitem in Mythologia, & apud Hyginum in centum Fabulis, apud Boccatum in Genealogia Deorum, apud Liliū Gregorium Giraldum in dialogis, & syntagmatibus, Apologos apud Æsopum, & alios; Emblemata apud Alciatum; Hieroglyphica apud Pierium; Symbola, & Epicheremata apud Aresium, Ruscellium, Jovium, & Jacobum Tipozium, qui omnes Principum Impresias in suas classes distinxit. Cavendum tamen, nè ita fidamus hisce libris, ut negligamus auctores legere; ex quibus decerpta sunt: non enim potest satis eruditus videri [ut paulò antè monui] qui ipsos non adierit fontes eruditionum. Placita Philosophorum si velis, consules Aristotelem, Platonem, Photinum, &c.

Dispositis igitur argumentis eo ferme modo, quo dixi; colliges ex auctoribus, quæ duces necessaria esse ad

ad orationem, & notabis in una classe; quæ faciunt ad unum argumentum: in alia, quæ ad aliud.

Quæres, an satius sit colligere sylvam, antequam constitutatur Propositio, an verò secus. Respondeo commodius esse, communiter loquendo, fervare eam rationem, quam hæcenus tradidi; licet aliquando etiam possit accidere, & accadat de facto, ut quis non antè rectè possit orationem suam, & propositionem constituere, & disponere, quam viderit, quid in illo genere dici possit. Et hæc quoad sylvam.

OBSERVATIO X.

Circa dispositionem argumentorum.

AD supradicta adjicio, quòd ad parandam sylvam non oportet solum in librorum indicibus quærere titulos rerum, de quibus agimus, sed etiam illarum synonyma;

C

nyma;

nyma; affinia, & contraria; ut: si sit
 Propositio de jejunio: quæres jeju-
 nij titulum, & synonyma ejus absti-
 nentia, sobrietas, inedia, & affinia,
 ut frugalitas, temperantia; deinde
 etiam poteris quærere non solum
 ejus directè contraria, ut gulositas,
 &c. sed affinia etiam, & synonyma
 earundem, ebrietas, edacitas, intem-
 perantia, convivia, &c: Deinde non
 solum quæremus rem in specie, sed
 etiam in suo genere, & sic dicturus
 de jejunio consules etiam ejus genus,
 quod est vel pœnitentia, vel tempe-
 rantia, vel seyeritas vitæ, sed de his
 satis.

Quoad partitiones utile erit ar-
 gumenta partiri in quasdam classes:
 hoc enim juvat mirificè ad memori-
 am tum Oratoris, tum Auditoris:
 hanc autem divisionem non semper
 propalam collocandam existimo, sed
 tunc tantum, cum duo, vel ad sum-
 mum tria capita non excedit. Ca-
 vendum

videndum autem, nè, si propalam collocetur, ità insistamus in primo capite, ut terreatur Auditor, quod tandem nos immoratu-
 ros in cæteris suspicetur. Quare tunc, vel non erit proponendum, ità ut propalam collocetur partitio, vel alia commoda ratione huic rædio consulendum: & in univ-
 ersum in toto orationis cursu cavendum est, nè ità fiant transi-
 tiones, vel divisiones, ut suspicari possit Auditor se usq; ad fastidium detinendum.

Divisiones istæ aliquando habentur vel ab ipso subjecto Propositionis, vel ab ejus proprietatibus, vel à diversitate locorum, ætatum, personarum, temporum, ut potes advertere ex observationibus circa varios proponendi modos.

Circa ordinem & dispositionem argumentorum hæc notanda occurrunt.

Primo, cum est aliquod argumen-

C 2

cum,

tum, ex cuius explicatione cetera commodius intelligantur, primò loco ponendum est.

Secundò, in prima fronte, cavendum, ne leve aliquod collochemus; cum enim post propositionem attentissimus sit Auditor; nisi grave audiat argumentum, de tota causa bene sperare non potest.

Tertiò, quæ per se robur vix habent, non numeranda, sed conglōbāda, vel per præteritionis, & concessionis figuram, vel alio modo; sæpe enim in exercitu ubi virtus deficit, numerus prodest.

Quartò, quod affectus capacissimum est, rectè servatur ad extremum: in fine enim infigendus aculeus auditori, & cum eo dimittendus: & universaliter, quia lacrymâ nil citius arescit, & in affectibus, violentis præsertim, & vehementibus diu immorari nec possumus, nec debemus, eos rectè in finem usq; differimus:

in

in quo peccant plerumque concionatores, qui cum in media concione vehementius incenderint auditores, extinguunt. Deinde frigida aliqua peroratione, quidquid ardoris excitaverant in initio. Id porissimum apparet in concione de Passione, in qua audiivi plerumque nonnullos, quidquid affectus excitari poterat, ita in exordio consumpsisse, ut denum in progressu orationis non minus ardescerent ipsi, quam ceteri.

Denique quia de omnibus præcipere minus possumus; cavendum semper, ut ita disponamus argumenta, ut non solum unum post aliud, sed etiam unum ex alio dici videatur: scrutari proinde oportebit, quæ argumenta affinitatem habeant, ut connectere facilius illa possimus; quod mirum est, quam juvet ad transitiones. Cavendum etiam, ut ita disponantur, ut semper crescat oratio, & semper plus aliquid, & majus dicere

videamur, quod quidem est omnino
religiosè servandum.

OBSERVATIO XI.

*Circa modum dilatandi Proposi-
tiones in Amplificatione.*

H Actenus explicavi rationem
inveniendi Propositiones,
quas voco Logicas ex eo,
quòd careant ornamento, & dilatati-
one, quam Logica accipit à Rhetori-
ca. Nunc venio ad rem omnium
difficillimam, videlicet ad praxim,
qua hujusmodi Propositiones per
Amplificationem oratoriam dilata-
mus.

Et quia non omnis solum oratio,
sed omnis etiam Amplificatio redu-
citur ad unam aliquam Logicam
Propositionem; imò verò omnis
etiam Periodus: proinde primò qui-
dem de modo dilatandi illas in Am-
plificatione, deinde de modo dilatan-
di

de eadem in Periodo, quæ observata
verim, proponam. Hoc autem ita
proprium Rhetoricæ arbitror, ut has
ejus potissimas partes existimem :
cum enim à dialectica habeamus Pro-
positiones, quibus fidem faciamus;
non video, quæ alia supersit difficul-
tas, si dilatationem, quæ unica deesse
videtur, tradendam à Rhetorica
hauriamus.

Dico igitur primò omnem propo-
sitionem, cujus subjectum, & prædi-
catum est totum divisibile in aliquas
partes, posse dilatari per Inductionem.
Sit exemplum. Vita hominis est plena
miseriis : hoc totum, quod est vita
hominis, subjectum hujus propositio-
nis, dilatari potest, si dividatur in æta-
tes, quibus vita hominis constat; & sic
dices: Infantia, Adolescentia, Ætas
robustior, & Senectus sunt plenæ mi-
seriis: ergo tota vita hominis est plena
miseriis.

Potest hæc ipsa, quæ dilatata est
C 4. ex.

ex divisione subjecti, dilatari adhuc longè diversa ratione per divisionem prædicati, quod idem est aliquod totum divisibile in suas partes: miseriæ enim aliæ sunt corporis, aliæ animæ, aliæ à nobis ipsis, aliæ à fortuna, aliæ à natura, aliæ ab adversarijs: ex quibus satis patere arbitror, quàm latum hæc praxis campum aperiat Amplificationibus.

Dico secundo, per descriptionem dilatari Propositiones aliquas, quarum subjectum est quasi aliquid habens rationem singularitatis, & non universalitatis. Sit exemplum: Nihil calamitosius urbe ab hostibus direpta. Amplificabitur hæc Propositio describendo ipsam direptionem una aliqua ratione ex ijs, quas tradam, cum de varijs describendi modis.

Dico tertio dilatari Propositiones aliquas per exempla conglobata. Fiac hæc propositio. Tyranni raro venena, & gladios vitant. Dilatabitur excm-

exemplis Cæſaris, Neronis, Phalaridis,
Diomedis, &c.

Dico quartò poſſe item per ſimi-
litudines explicatas. Sit exemplum;
Quandiu homo non fuit in pericu-
lis, pavidus eſt. Explicentur hæ
comparationes, ſeu ſimilitudines:
quandiu miles ſanguinem non fudit
in bello: quandiu nauta multiplices
in tempeſtate non genuit; quan-
diu adoleſcens multiplices ægritudine
non laboravit; vel ipſas periculorum
ſuſpiciones formidat. Illæ autem
tres ſimilitudines quomodo dilatarī
poſſint in Periodis, parebit infra. Ad
hanc ipſam rationem reduxerim ali-
am huic ſatis affinem, & eſt, cū per
ſonſus ſynonymos, dilatamus: quæ
melius explicabitur obſervatione ſe-
quenti.

Dico quintò alias poſſe dilatarī à
Teſtimonijs, ab auctoritate divina, &
humana, quod planum eſt.

Dico ſextò alias à comparatione

C. 5

ma-

majorum, minorum, vel parium, de
 Sanctus Ludovicus Rex eos, quos
 Barbarus ad se occidendum miserat,
 dimisit cum præmijs; compara cum
 severissimis ultionibus, quas in hu-
 jusmodi occasione de perduellibus
 Reges alii sumere consueverunt.

Dico septimò, alias ab Effectuum;
 & Adjutorum, & Congomitantium
 enumeratione; Ut: Peccatum est ma-
 ximum malum; ex eo enim, & per-
 ditur animus, & occiditur corpus, &
 leges ruunt, &c. quæ ratio satis patet
 ex dictis supra.

Dico octavo, à definitionibus eti-
 am conglobatis posse dilatari pro-
 positiones; ut: Sol est rerum omni-
 um pulcherrimus, mundi oculus, lu-
 cis vehiculum, auriga dici, &c. hæc
 tamen ratio putidis plus placet,
 quàm par sit; habet tamen ipsa eti-
 am suam laudem, si fiat cum mica
 salis.

Sed ut paucis comprehendam o-
 mnia;

mania: : Dico ultimò tot esse rationes dilatandi aliquam Propositionem, quot sunt loci communes apud Rhetores, quos videbis in Cypriano, Tullio, & aliis. Cæterum etsi propositio aliqua postulet uno modo, alia alio dilatari, poterit tamen una aliqua dilatari omnibus. Sit exemplum illa ipsa, quam per inductionem docuimus amplificari posse, duplici modo: Vita hominis est plena miserijs; dilatabitur item per descriptionem, describendo vitam ipsam, quàm sit onerosa, quàm difficilis: item per exempla afferendo illos, qui mortem prævenerunt ob impatientiam vitæ, ut Siliij Italici, Catonis, Pompeii. Item per similitudines, ut: Nautæ in tempestate, volucris in cavea captivæ, &c.

Item per synonyma, ut: Militiam hanc nostram non alia agnoscere stipendia, quàm laborum; terram nobis, infelicibus colonis, spinas duntaxat.

taxat germinare. Item per auctoritates Sapientum, vel per comparisonem, aut aliorum animalium, aut eam conditione Angelorum, & status innocentiae. Item per effectuum enumerationem, recensendo mœores, dolores, timores, tædia, quæ ex vita proveniunt. Item à conglobatis definitionibus, vitam hanc esse sepulchrum animæ, oxilium hominis, improbitatis provinciam. Ex quibus vides, ad quam redigamus facilitatem id, in quo omnis penè scribendi difficultas est posita.

OBSE RVATIO XII.

Circum rationem dilatandi Propositiones in Periodo.

Intende tradere hoc loco rationem, quâ datâ, quælibet Propositione Logica possit oratoriè in periodo dilatari: quod quam non solum utile, sed necessarium etiam sit in arte nostra, nemo non videt: & primo

primò quidem dilatari possunt Propositiones in Periodo iisdem fermentationibus, quibus & dilatantur in Amplificatione: placet tamen adhuc rem totam clarius explicare.

Omnis Propositio, cum pluribus constet terminis, certè dilatari non potest; nisi per dilatationem eorum ipsorum terminorum, quibus constat; alioqui enim non una dilataretur Propositio, sed plures coacervarentur. Exemplo res clarior fiet: sit explicanda in Periodo hæc Propositio: *Sol oriens omnia lætificat*. Dilatabitur primò terminus, *Sol*, qui utique, cum sit aliquid singulare, dilatari per descriptionem, non per inductionem debet. Dilatabitur secundo terminus, *Oriens*, per circumstantias ortus; tertio terminus, *Omnia*, per Inductionem, & enumerationem eorum, quæ lætificantur à Sole; quarto terminus, *Lætificat*, retinendo varios hujus lætificandi modos,

dos in varijs subjectis, in animanti-
 bus, in arboribus, in floribus, &c.
 uq; ita fieri Periodus poterit in hunc
 ferme sensum. Prodit e tenebrarum
 gremio luminum Pater, atque ubi
 pravijs auroræ facibus accenderit
 desiderium sui, foenerata per noctem
 syderibus lumina repetens, erumpit
 in scenam; cùm illico redire animam
 mundo, animantibus motum, inani-
 mis venustatem, desiccari in herba-
 rum oculis conceptas ejusdem ab-
 sentia lacrymas, erigi depressa papa-
 vera, ostentare se roas, diloricare se
 conchas, conceptasque divitias au-
 thori suo fidere, relinquere latebras
 animalia mitiora, cucurrere gallos,
 trinsare hirundines, plausitare pa-
 lumbes, pipire passeris; lusciniam
 verò, sirenem illam sylvarum, con-
 ceptum nocturno silentio genethlia-
 cum promere, producto in longum
 spiritu rhetorum clementi periodos,
 intentâ voce dicere graviter, submis-
 sa.

sa leniter, inflexâ miserabiliter, omnia perire cum Sole, omnia videas, cum Sole renasci. Ubi vides terminum quidem, *Omnia*, hujus propositionis potuisse etiam fusiùs dilatari. Aliqua igitur Propositio dilatabitur dilatatione subjecti, alia prædicati, alia termini copulantis, vel alterius, qui ingrediatur ejus constitutionem.

Secundò potest dilatari Periodus per sensus synonymos: qui modus est sententijs mirificè natus. Sit hæc Propositio: Præceptores plerique sibi perniciem educant in discipulis. Ecce quo pacto per sensus synonymos metaphoricos dilateitur. Lactamus ipsi sæpè catulos miseræ matres, qui nostra nos post ubera pascant; rigamus assiduo sudore ciuitatem, quæ mox in culmos adulta nos perimat; & in incudibus nostris acuiamus sæpe gladium, quo cadamus. Eodem modo potest dilatari ista: Hominis vita
miserâ,

misera est; per metaphoras peregrinationis, exilij, captivitatis, procellarum, militiarum, &c.

Tertio dilatur aliquando Propositio descendendo ad singularia, eodem modo, quo solemus in descriptionibus, ut si sit haec Propositio: Trojani juvenes ante bellum jactabant victoriam; praesente vero belli periculo, demum in desperationem adacti. Dilata vocem, belli, per singularia belli constituta; ut sunt irruptiones, ardetationes, scalarum admotiones, &c. Vocem, jactabant, dilata, etiam veniendo ad singularia jactantiae signa, ut injuria in absentes, armorum rictor, vexillorum inanis ventilatio, &c. Sed in ipsa Periodo, quam exhibeo, res haec tota clarior fiet. Trojani juvenes, quandiu in armis Graecia tota non stetit, quandiu muros nullus quassavit aries, quandiu obsessis non insultavit Achilles, videri poterant Orgia expectare, non bel-

la.

la. Omni perstrepebant in angulo
 tubæ, nutabant in foro quocunque
 vexilla, radiabant ubique aurei leo-
 nes in cono; gemmis maculatæ ti-
 gres in clypeo; studium omne mito-
 rem gladijs addere, terrorem galeis;
 novo schemate absentes vocare, ex-
 probrare moras, timorem objicere;
 designabantur in convivijis eruptio-
 nes, insidix describebantur in map-
 pis, crateres, & cyathi tures erant;
 panis, & obsonia legiones dispositæ.
 Tot habebat Priamus Heciores, quos
 Troja cives; crederes totam Bisto-
 num, Thracumque ferociam in Asia-
 ticos descendisse: adeo nemo erat,
 qui sibi centum Ajaces non posceret,
 centum Pyrrhos. Ubi verò erigi vi-
 derunt scalas ad mœnia, dirigi bali-
 stas ad fores, resonare acclamationi-
 bus aërem, ex imperu trepidare tel-
 lurem, assurgere in testudinem Dolo-
 pes, constipari ad irruptionem Argi-
 vos; inveni sunt ne Mitheco qui-
 dem

dem sufficere, qui Agamemnonem deposcebant; apparuit in sua quisque persona: larvam fortitudinis ignavia detraxit occasio. Tunc primum agnitus Hector est, cum non jam verbis probaretur fortitudo, sed factis. Omitto multa, quæ addi poterant. In universum dico idipsum, quod alias sæpe monui, divisionem totam esse cujuscunque dilatationis orationem: hæc autem Periodorum extensio continuari solet ut plurimum per voces subsequentes, Qui, Non solum, Adeò ut, Præterquam quòd, Si, Donec: ut observanti facile innotescet. Atqui brevitatis studium me aliò vocat.

OBSERVATIO XIII.

Circa exordia.

Constituta Propositione, dispositis argumentis, sylvâ paratâ, veniemus ad exordium, de quo præcipiunt communiter Rhethores.

res, platum esse debere, ac verecundum, quod indicet reverentiam erga auditores, & liberalem, ac ingenuum pudorem, debere item oratorem in eo reddere auditorem docilem, benevolum, & attentum. Docilis redditur per Propositionem, quam continet; Benevolus per reverentiam, de qua dixi; Attentus per novitatem Propositionis, de qua item superius. Moneant communiter Rhetores exordium post cætera omnia componendum. Id ego explico in ordine intentionis: primum enim scire debes, quò ire velis, antequam viam, quæ illuc deducat, inquiras: cæterum in ordine executionis satius duco incipere ab exordio; tunc enim melius connectuntur cæteræ partes.

Statutâ igitur Propositione, ut, unde possis exordium eruere scias, huiusmodi uti artibus poteris. Primum in Propositionibus metaphoricis, in exornativo ferme semper deducitur
com;

commodè exordium ab explicatione
 proprietatum rei, unde metaphora
 inducitur. Ità de Sancta Agnete à
 spectaculis, de S. Hieronymo à Nilo,
 de S. Francisco Xaverio à difficultate
 mortis perpetui, & sic de cæteris; &
 hoc genus eruditissimum esse solet.
 Secundò in solemnitatibus celeberrimis,
 in quibus in Auditoribus supponitur
 aliquis affectus in summo, ut
 lætitiæ in die Paschæ, Natalis Do-
 mini, Pentecostes, &c. vel doloris,
 ut in Parasceve; vel in funebri ali-
 qua oratione, occasione mortis per-
 sonæ cujuscumque populis acceptissi-
 mæ; commoda sunt exordia, quæ
 quidam quasi impetu, & quasi ex in-
 proviso efferuntur, in quibus inferen-
 tes argutias, & affectus, explicamus
 ipsa mysteria, vel jacturam magnitudi-
 nem lamentemur. Tertiò aliqua-
 do exordium est major Propositio
 minoris; per quam constituitur Pro-
 positio confirmationis: Sic exem-
 plum:

plur: Nihil majoris est apud Deum meriti, quam pauperum cura. Deduci exordium poterit, amplificando majorem hujus Propositionis, quæ est: actus charitatis nihil esse gratius DEO; sed cura pauperum inter actus charitatis est præcipuus, ergo cura pauperum nihil gratius DEO. Quarto ab occasione orationis. Occasio autem est, vel ex parte ipsius argumenti comparati ad personam, quæ dicit; ad locum, ubi dicit; ad eos, apud quos dicit; à tempore, quo dicit; à materia, de qua dicit; vel ab aliquo alio hujusmodi capite: & hæc reor esse exordia, quæ bene deducta dicuntur à visceribus causæ: cum enim habeant plurimam cum illa connexionem, non sunt tamen argumenta confirmationis, quæ voluisse in exordijs delibare, contra leges exordiorum omnino est. Sunt item hæc exordia maximè propria, utpote quæ alijs materijs non facile pos-

fin.



Sint accommodari. Rem fusius exempli non explico, memor illius Horatii axiomatis: Quidquid præcipias, esto brevis. Quintò: cùm Propositio continet aliquod paradoxum remotissimum ab opinione vulgi, opportunum erit exordium, si in eo explicemus, quàm non immeritò videatur incredibilis illa Propositio; ex Philosopho enim opposita juxta se posita magis elucescunt: ut; volo probare sacerdotes ipsiusmet DEI Dominos esse; ostendam in exordio, ex rebus creatis vix ullam posse eò usque crescere, ut non sit ei summa dignitas DEO famulari, adhuc tamen velle te ostendere, &c. Sextò quando supponimus in Auditoribus aliquod præjudicium, ratione cujus suspicari possimus, nè nos minùs benevolè audiant; fiet exordium per solutionem hujusmodi præjudiciorum, proponendo causas, quæ nos retrahere debuissent ab oratione, & ita solvendo

solvendo illas, ut nullus supersit scrupulus, qui demum currentem detineat. Ità Marcus Tullius divinatione in Verrem, ubi in exordio causas attulit; cur, qui semper alios defendisset, tunc primùm ad Verrem accusandum ultro descenderet: Et in hoc tamen, & in antecedenti exordiorum genere ità proponenda illa præjudicia, ut videamur, illa vidisse nos quidem, contempsisse tamen; quòd in contrarium plura supplerent argumenta. Septimò: ad ornanda exordia ità, ut ampliora sint, juvat quàm maximè à Propositione particulari, quam constitueris, retrocedere ad universalem, ità ut ab hac in illam venias. Sit exemplum: ad hoc, ut venias ad probandam hanc Propositionem; Deteriòrne sit deficientis conditio, an docentis; poteris incipere à Propositione universali, unicuique videlicet sortem suam gravissimam videri; & hanc ubi amplificaveris

caveris, per inductionem; dices hinc ortam esse occasionem dissidij inter præceptores, atque discipulos, cujus solvendi gratiâ problema illud instituis. Quod ipsum etiam juvat in quocunque genere Amplificationum. Octavò introductione uti possumus in exornativo: cavendum tantum, nè ista sumatur à rebus ità disparatis, ut vix ullo demum glutino connecti cum re proposita possit: probare enim non possum eorum consuetudinem, qui semper ordiuntur à rebus, ex quibus cum divinate non possit auditor Propositionem, torquetur mirificè suspitione tam longa.

Propositio exordij dilatatur eadem planè praxi, quâ cætera omnes; stylo solum differt, qui nec concitatissimus, nec ità vehemens esse debet. Propositionem autem exordij voco illam, ad quam reducuntur, quæ dicuntur in exordio, sicut Propositionem

nem

nem orationis dicimus illā, ad quam, tanquam ad metam tota collimatur oratio; ut enim patere potest ex ijs, quæ dixi antecedenti observatione, inest singulis, etiam periodis, sicut & amplificationibus sua Propositio Logica.

Varia esse debebunt exordia, nè similitudo officiat attentioni. Cavendum etiam, nè nimis in longum excurrant, sed magnitudini orationis respondeant; nè parvo corpori gigantum videamur caput affigere. De stylo exordiorum dicam infrā.

OBSERVATIO XIV.

Circa varias narrandi Formas.

NArrationes sunt rerum expositiones. De ijs communiter præcipiunt Rhetores, ut sint Breves, Dilucidæ, Probabiles. Breves, ut retineri possint; Dilucidæ, ut possint intelligi; Probabiles, ut debeant

debeant credi. Sed narrationum notum unum est genus.

Aliae enim narrationes sunt, quae in genere exornativo coincidunt cum Amplificatione, & Probationibus, de quibus infra: in modo enim narrandi possumus nonnihil deprimere per charientilum, & per auxesim erigere, quem laudamus. De style narrationum infra.

Aliae narrationes sunt tragicæ hoc est seriæ, & graves; & hæ exprimentæ majestate quadam, & cavendum, nè minima quæq; afferamus in medium. Harum exempla habes passim apud Senecam in Tragedijs; præsertim ubi nuncij ferum aliquid narrant, & execrabile.

Aliae sunt narrationes comicæ, & lepidæ, quæ faciunt ad excitandum risum; & hæ exprimuntur per frequentes formulas plebejas, seu adagia; in ijs autem id, quod cachinnos potissimum excitat, notavi esse singularia

singularia quædam, quæ rem mirificè
exprimunt, & proponunt quodam
modo ante oculos, & ità sensibiles
sunt, ut Phantasiâ, maximè move-
ant. In hoc genere sunt multa apud
Lucianum, & Juvenalem: præsertim
Satyrâ tertiâ: ubi hæc lepidissima ha-
bit de Paupertate.

*Me, quem Luna solet deducere, vel
breve lumen*

*Candela, cujus dispenso, & tempero
filum,*

*Contemnit. Misere cognosce proemia
rixæ.*

*Sirixa est, ubi tu pulsas, ego vapulo
tantum.*

*Stat contrà, statique jubet, parere ne-
cesse est.*

*Nam quid agas, cū te furiosus cogat,
& idem*

*Fortior? unde venis, exclamat, cujus
aceto,*

*Cujus Conche tumes? quis tecum sectile
porram,*

D 2

Sutor

*Sutor, & elixi vervecis labra comedit?
Nil mihi respondes? aut dic, aut acci-
pe calceam.*

*Et paulò post libertas pauperis hæc
est:*

*Pulsatus rogat, & pugnīs concisus
adorat,*

*Ut liceat paucis cum dentibus indè re-
verti.*

*Ubi vides, quidquid est lepidum,
esse vel proverbium petatum ex tri-
vijs, vel singularitatem, quam dixi a-
liquam, ut sunt, illi calces, illæ roga-
tiones, ut liceat paucis cum dentibus
indè reverti: porrum cum sutore di-
visum, &c. si enim dicas hæc ipsa in
genere, ut: cum artifice cœnasti, pau-
per rogat, ut dimittatur, sed indè
verberatur atrocius, &c. nihil habent
lepōris illius pristini, quia universa-
lia minùs movent, quàm singularia,
quæ notare magis solemus.*

*Cavendum est in omnibus narra-
tionibus,*

tionibus, quæ faciunt ad aliquem affectum excitandum, ut misericordiam, iræ, indignationis, &c. ut descendamus ad quædam singularia, quæ moveant sensum in ordine ad illum effectum; non autem in ordine ad alium: ita si narres discessum amici ab amico, afferenda ultima verba, oscula, amplexus, extremum vale sæpius iteratum, munuscula, &c.

Siquid autem eâ occasione lepidum accidit; non proferendum, nè officiat affectui, quem intendebamus. In hoc tamen periculum est, nè invidamus in vitium eorum, qui in rebus narrandis minima quæq; usq; ad Auditoris nauseam prosequuntur.

OBSERVATIO XV.

Circa varios describendi modos.

Descriptiones, quibus tantopere delectatur ætas hæc nostra, non unam omnes proximæ admittunt.

D 3,

Notavi,

Notavi ego in auctoribus alias fieri
 à negatione, & affirmatione, hoc est,
 dicendo ea, quæ non sunt in re, quam
 describimus; & ea, quæ eidem insunt.
 Sit describenda, exempli gratiâ, ætas
 aurea; dices prius in ea non fuisse tot
 scelera, tot supplicia, tot bella, tot in-
 commodas, quæ sunt in ferrea; sed in
 ea fuisse innocentiam, pacem, otium,
 rerum affluentiam, &c. Ità Ovidius
 primo Metamorphoseon eam descri-
 bit.

*Aurea prima sata est ætas, quæ vindi-
 ce nullo*

*Sponte sua sine lege fidem, rectumque
 colebat.*

*Pœna, metusque aberant, nec vincla
 minantia collo*

*Ære ligabantur, nec supplex turba
 timebat*

*Indicis ora sui, sed erant sine Iudice
 tuti.*

*Nondum caesa suis, peregrinum ut vi-
 leret orbem,*

Montibus

Montibus in liquidas pinus descende-
rat undas:

Nullaque mortales præter sua litto-
ra norant.

Nondum præcipites cingebant oppida
fossæ:

Non tuba directi, nõ aris cornua flexi,

Non galeæ, non ensis erat: sinè militis
usu,

Mollia securæ peragebāt otia gentes.

Hæc à negatione: ab affirmatione
verò multa subjicit, ut sunt illa:

Per erat æternum, placidique tepenti-
bus alis

Mulcebant Zephyri natos sinè semine
flores.

Mox etiam fruges tellus inarata fe-
rebat,

Nec renovatus ager gravidis canebat
aristis.

Flumina jam lactis, jam flumina Ne-
ctaris ibant,

Flavæq; de viridi stillabant ilice mel-
la.

Similem praxim invenies apud
Poëtas in descriptionibus Veris,
Æstatis, Autumni, Hyemis, diei, no-
ctis, auroræ, famis, pestilentia, belli,
procellæ: de quibus potes illos con-
sulere.

Quæres praxim, quâ facilè inve-
nias in rebus ea, quæ ad negationem
faciunt, & ea, quæ ad affirmationem?
Respondco, hanc mihi videri facilem,
si dividamus rem, de qua agimus in
suas partes; ut si sit describenda fer-
rea ætas, in qua mundus deterior est,
quàm aliàs fuerit, discurre per o-
mnes mundi partes; & invenies, quæ
in ijs fuerunt, & jam non sunt: & sic
in Cælo invenies fuisse olim benigna
sydera, innocentem Phœbum, influ-
sus salutare: nunc indè pestilentias,
indè grandines: in terrâ fuisse uber-
tatem in campis, amœnitatem in hor-
tis, lenitatem in feris, salubritatem in
herbis, fecunditatem in plantis,
nunc è contrâ, &c. In Mari fuisse
æternam

æternam malitiam, nunc verò tempestates; in aëre muscas aves, &c. & hæc quoad mundum Physicum. Quòd si gradum facias ad moralem, inuenies fuisse concordiam in familijs, religionem in templis, veritatem in verbis, nunc verò, &c. Ità si velis describere ver, vel aliam tempestatem, attende quos effectus in unaquaque mundi parte producat; & in singulis demum partibus, quid in unaquaque ex ijs, quæ illius partis propriæ sunt, ut terræ in herbis, in vallibus, in montibus, in sylvis, in feris, & sic de aqua. Ità si sit describenda procella, nota quos effectus in cælo, quos in mari, quos in navi, quos in nautis. Hæc ratio in praxi satis facilis, & satis elegans est, & à Poëtis satis frequentata.

Possunt secundo quedam describi, sequendo ductum sensuum, hoc est explicando ea, quæ audiuntur, quæ videntur, quæ tanguntur: quæ ratio

D. 5

ad

ad hoc ut uberem materiam subministraret, oportet etiam recurrere ad eas divisiones, quas dixi paulò antè; ut si sit describenda urbs ab hostibus direpta, attendes priùs ea, quæ videntur in mænibus, in vijs, in templis, in foro, in officinis, in hominibus, in domibus; deinde ibis per ea, quæ audiuntur à victoribus, à victis, à morientibus, à captivis, à pueris, à matribus. Hac ratione potest describi infernus, gloria paradisi, & his similia.

Tertio describuntur aliquando per singulas partes: sic describitur pulchritudo, vel deformitas hominis, urbis, regionis, &c. Ità etiam describitur moriuus, iratus, timidus, vel aliquo alio affectu perturbatus. Describuntur enim oculi, cervix, comæ, motus, voces, &c. & hæc ratio satis etiam est communis.

Quarto describuntur nonnulla à definitionibus conglobatis, ut cum de-

descripturus hominis ingenium dico:
 Non illud quidem de Promothei fun-
 to, sed de Providentiæ dono in opa-
 citate nostra additum lumen, perfe-
 ctioris animalis imperfecta divinitas,
 vitæ præsidium, armentarium ra-
 tionis, &c. quæ descriptiones cum
 ut plurimum fiant per metaphoras
 conglobatas, cum de ijs infra agemus,
 clarius innotescunt.

Quintò potest fieri aliqua descri-
 ptio cuncto per singula, quæ ad rem
 describendam interveniunt, & expli-
 cando ea, quæ uniuscujusq; se habent
 ex parte: ut si sit describenda tem-
 pestas, attende breviter, quid inter-
 veniat ad tempestatem; & videbis
 intervenire cælum, ex cujus parte
 nubes, grandines, fulgura, tonitrua;
 Mare, ex cujus parte fluctus, spumæ,
 sonitus, &c. Venti, à quibus jac-
 tationes, fractiones mali, &c. Nautæ,
 ex parte quorum vota, metus, labo-
 res, lacrymæ, ejctamenta, merci-
 D. 6. um.

um, &c. ità describi potest horror extremi iudicii, & alia multa.

In universum pro descriptionibus oportet, ut, quantum fieri potest, imbibamus primum ipsi rem totam, ità ut nos eidem interesse fingamus: tunc enim facillè rem ante oculos proponemus, ità ut non tam audiri, quàm spectari videatur. In ijs autem licet veniendum ad singularia, quæ ea sunt, ut dixi, quæ maxime movent phantasiam; cavendum tamen, nè minima quæque sectemur. Cavendum etiam, nè nimium prolixæ sint, & nimium frequentes; super omnia autem, nè extra rem illas afferamus; putidi enim est, occasionem descripiunculæ ex argumento quocunque captare: cui proinde possis dicere, quod ille inepto Pictori: *Et tu fortasse cupressum scis simulare.*

Descriptiones oratorix graves esse debent, & non mimicæ; mirum enim est,

est, quantum ijs lædantur sapientes,
 & quàm facilè inde arguant levitatem
 dicentis. Ad illas igitur non venien-
 dum apparatu illo, quo solent multi,
 præmonendo instare præclarū aliquid:
 sæpe enim non tam descripsisse, quàm
 voluisse describere dici possunt; & in
 universum in oratoria facultate nullū
 gravius vitium, quàm eorum, qui or-
 namentis, quæ magis artem produnt,
 passim utuntur. Rhetorica enim est
 ars quidem, sed imitatrix perfectæ
 naturæ.

Quod dixi de affirmatione, & ne-
 gatione, potest esse utile etiam ad ali-
 as praxes, quas attuli; una autem,
 & eadem res hisce modis omnibus
 poterit plerumque describi. Sed in
 his etiam, ut in alijs multis, usus te
 plura docebit.

OBSERVATIO XVI.

*Circa Amplificationes in exorna-
 tivo.*

D.E.

DE Amplificatione Propositionum quarumcunque, & earum declaratione. jam dixi; hic loquor tantum de ratione amplificandi facinus aliquod egregium in genere exornativo. Circa quod moneo primò magnitudinem alicujus rei duplici posse ratione cognosci, & explicari. Primò secundum esse, quod habet in se. Secundo per ordinem, quem habet ad alia, ad quæ comparata dicitur æqualis, major, minor, &c. quæ explicaret Philosophus per distinctionem statûs absoluti, & relativi. Ex quo infero primò posse amplificari facinus aliquod, prosequendo ea, quæ illi insunt secundum considerationes illas. Quis, Quid, Ubi, Quibus auxilijs. Cur, Quomodo, Quando. Sit Exemplum: Volo amplificare virtutem eorum, qui, relicta Europâ, ad Indos & vaneghij causâ peregrinantur; in vestigabo circumstantias omnes hujus-
nine-

itineris, & perpendam singula, personas assuetas deliciis, charas omnibus, summo loco genitas relinquere, nullo adigente, nulla suadente cupiditate, nullo præfente præmio, Europam, regionem omnium optimam, cultissimam, charissimam, & in ea relinquere amicos, consanguineos, patriam, usum rerum charissimarum, &c. Abire per mille Ponti discrimina intolerabilia, tum propter diturnitatem, tum propter multiplicitatem malorum, ut vivant demum cum barbaris, in ignota regione, in efferata, in misera, inter scopulos, inter solitudines, &c. Ubi vides, considerationem locorum omnium, quæ interveniunt ad hoc iter, ut sunt Terminus à quo, Terminus ad quem, medium item, & personæ transeuntes, & ejus conditiones formare egregiam Amplificationem absque ulla comparatione.

Juvat autem in hoc cognoscere,
quid

quid in unaquaque re considerari, vel ponderari potest. In persona consideratur primò animus, & in hoc ingenium, Memoria, Voluntas, & in his artes, scientiæ, dotes, virtutes. Secundò corpus, in quo vires, venustas, agilitas, mechanicæ artes, &c. vide Aristotelem lib. 1. Rhet. cap. de Felicitate. Tertiò conditio, & in hac Nobilitas, Amicitia, Dignitates, Honores, Spes, Ætas, Institutio, & his similia. In locis consideratur Amœnitas, & sterilitas, & alia hujusmodi, in fluminibus, in montibus, in sylvis, in hortis, in vineis, in plantis, in vallibus, &c. Secundò capacitas, vel angustia. In artibus considerantur auctores, professores, discipuli, materia, forma, effectus, causæ, adjuncta, finis, honores accepti, &c. Sed esset res infiniti laboris, omnia persequi. Cœperam ego aliquando praxini quandam Amplificationis oratoriæ, in qua in omni rerum genere afferebam exemplum.

plum Amplificationis: ut, in genere artium encomium Rhetorices, in genere Urbium encomium Romæ, & sic de cæteris. At aliò avocatus destitit ab incepto.

De Amplificatione absoluta, ut ita loquar, hæc observasse sufficiat. Ad comparativam venio. Comparatio cum minori non fit, nisi ad excusandum, vel ad extorquendum præmium, ut si quis diceret: ijs, qui dederint poculum aquæ frigidæ, vult Deus Cælum dare, quanto magis ijs, qui pro eo se totos impenderint, dando sudorem, & sanguinem. Comparatio cum pari non fit, nisi cum ijs, quæ maximo sunt in pretio apud omnes; quibus maxima laus est fuisse parem; cum vix aliquem sit invenire majorem. Ut persilam in exemplo præposito, eam ipsam illorum virtutem, qui ad Indos Evangelij causâ discedunt, possum conferre cum itineribus D. Pauli, & Apostolorum, cum

Cum laboribus Ascetarum in Mona-
sterijs, & Eremitis, cum exilijs Marty-
rum, &c. hæc enim omnia in genere
virtutis sunt veluti ultimæ metæ, tam
ingenti habentur in pretio.

Ut verò rem aliquam ita compare-
mus alteri, ut eidem prælatam veli-
mus, oportet primò rem illam maxi-
mo apud homines in pretio esse. Ex-
terum enim quæ laus levissimo cuiq;
prævisse? Secundò oportet in eo,
quod præferimus, ostendere totum il-
lud esse, quod miramur in alio, & de-
num aliquid etiam longè majus:
quod notavit Aristoteles cap. de ma-
jori, & minori bono; ex quo necesse
est seligere regulas, per quas res quæ-
libet possit aliâ major quodammodo
fieri. In eo enim capite est tota ra-
dix Amplificationis; adeò, ut ipse-
met Aristoteles, acturus deum in
libris sequentibus de Amplificatione;
dimiserit lectorem suum ad illud ipsum
caput de majori, & minori; quod, si
erit

erit otium, in quædam quasi axiomata digeram.

Est & alius Amplificandi modus, & sanè peregregius, quem vocant à Loco Comuni: explicabo me clariùs. Volo amplificare illud Beati Francisci Borgia, cum in regia Aula adolescens munitus Cilicio accederet ad Choreas, à Loco Comuni ab Adolescentum petulantia, & propensione ad flagitia amplificabitur opportunè hoc factum in hunc ferme sensum. Scio ab Adolescentibus Ambrosium non exegisse aliud, quàm ut, &c. August. contentum fuisse, si, &c. Cyprianum, quàm, &c. Scio ætatem hanc ità esse rebellem virtuti, ut, &c. Ità efferatam, &c. Et hoc ferme pacto, quandoquidem eadem est augendi, & minuendi ratio, à Loco Comuni de Adolescentibus, Cælij crimē minuit M. Tullius; ut videre potes in oratione pro eodē. Hi autē Loci Communes dilatantur eo modo, quo

quo Propositiones, de quibus suprà.
Ego sanè audiui exceptos cum plau-
su nonnullos, qui in exornativo locis
hisce opportunè uterentur: cùm enim
in Panegyricis argumenta omnia sint
penè 'narrationes facinorum illius,
qui laudatur; nè tædium afferat simi-
litudo illa rerum, commodum est
inferere huiusmodi Amplificationem,
quæ cùm tota sit ex eruditione mul-
tiplici, mirum quàm exornet, & hila-
ret orationem universam.

Sunt & aliæ Amplificationes à
contrarijs, ab adjunctis, &c. Sed hæ
ex ijs, quæ hæctenus dicta sunt, satis
patere possunt. Consule auctores.

OBSERVATIO XVII.

De Peroratione.

Peroratio Argumentationis,
quam diximus orationem esse,
conclusio est, & in ea potissi-
mum debemus per concitationem af-
fectuum finem totius orationis adi-
pisci;

pīscī : quod quidem fieri poterit hoc
 ferme pacto, Probatā Propositione
 confirmationis, assumemus illius an-
 tecedentis consequentiam, & facie-
 mus ex hac antecedens Perorationis;
 quod Antecedens probabitur per
 Anacephalæosim, & ex hoc Antece-
 dente concludemus orationem per
 concirationem illius affectūs, quem
 intendebamus. Exemplum rem to-
 tam clariūs explicabit. Erat Pro-
 positio orationis, jejunandum, quia
 jejunium utile animo, & corpori:
 probata fuerat in confirmatione hæc
 Propositio his ferme rationibus, &
 argumentis. Jejunium memoriam
 juvat, intelligentiam acuit, perficit
 voluntatem, corporis verò pulchri-
 tudinem, valetudinem, & robur tue-
 tur: ergo jejunium utile animo, &
 corpori: quæ est conclusio confirma-
 tionis. Ut igitur fiat Peroratio, as-
 sume pro antecedente Anacephalæo-
 sim omnium illorum argumentorum
 hoc

Hoc pacto. Jejunium memoriam
juvat, intelligentiam acuit, &c. ergò
quâ excusatione possimus jejunium
recusare? Itane igitur rem ità utilem
negligemus? &c.

Circa Anaecphalæosim cavendum
primò, nè ullum argumentum de no-
vo in illâ dicatur, quod antea non
fuerit in confirmatione probatum;
vel enim illud, quod de novo adjun-
gitur, gratis esset dicendum, & resi-
ceretur, vel certè non sine suspici-
one admitteretur ab Auditore; vel
demum si de integro tractaretur, Per-
oratio in Confirmatione degenera-
ret.

Cavendum secundò, ut ità fiat re-
petitio ista argumentorum, ut multa
appareant, nec solum magna cohors,
sed ingens exercitus videantur: quæ
enim singula profuerunt, multò ma-
gis conjuncta, & conferta valebunt.

Cavendum terciò, nè sit recta &
simplex repetitio dictarum rerum.

ut

ut enim bene manuit Quintilianus, nihil odiosius recta Repetitione. Est autem recta repetitio; cum simplici quadam ratione dicimus nos dixisse hæc, & hæc, & hæc. Læditur enim Auditor, cujus memoriæ minùs fidere videamur. Curandum igitur erit, ut vehementiori aliquâ figurâ, quæ & novitatem habeat, & majestatem; quales sunt Ironiæ, exclamationes, interrogationes vehementissimæ, Apostrophæ, &c. argumenta resumamus. Quoniam verò proprius affectuum locus est Peroratio, pro ea fit Observatio sequens.

OBSERVATIO XVIII:

Axiomata quædam circa affectus.

Non est hic animus instituere tractationem de affectibus; pro ijs enim sufficit habere d manum secundum Rhetoricorum Aristotelis, qui totus ad hanc rem scriptus

ptus est; notabo tantum nonnulla circa affectus.

Prima regula est, ut imbibamus primum ipsi affectum illum, quem volumus in aliis imprimere: si enim vis me flere, dolendum est primum ipsi tibi, tunc tua me infortunia lædent, multis enim plerumque dicere possemus illud Tullij, Næ tu si ita sentires, non ita frigide loquereris: si enim dicentis animus imbibierit affectionem illam, redundabit profecto in vocem, in gestum, in figuras, &c. & hoc utinam recte intelligerent Oratores sacri, qui ad populum dicunt.

Secunda regula est. Affectus non tam infans conclamationibus, quam veris argumentis excitari; animus enim rationibus, non vociferationibus oppugnandus est. Verum quidem est in Oratoribus, præsertim sacris, valere sæpe plurimum ad motum, cum ita dicunt, ut jam non ex arte, sed ex æstro dicere videantur;

à rati

à ratione tamen decori nunquam absoluitur Orator. Tragœdias autem, quas multi faciunt, afferendo ossa mortuorum, larvas, & alia hujusmodi, vel implicando funibus collum, non negârim apud hominum vulgus sæpe prodesse; ut plurimum tamen, vel cum deberent potissimum lacrymas elicere, cachinnos, vel ab invitis, extorquent. Vide quæ de his Rhetores.

Tertia; ea, quæ excitant affectus, non debent esse dubia, sed ita clara, ut de illis jam dubitari non possit; proinde affectus servandi in fine, ubi jam omnia clarissimè probata sunt, & intellectus convictus rationibus, neque enim voluntas, in qua potissimum sunt affectus, sinè prævio intellectus lumine moveri potest.

Quarta: non omnia, quæ clara sunt intellectui, nata sunt ad movendos affectus, sed illa tantum, quæ magis sensibus, & oculis præsertim

E

exposita

96
exposita sunt : quæ enim videntur,
magis movent phantasiam , & per
consequens etiam magis intellectum,
atque inde voluntatem. Hinc est,
quod Tragœdiæ magis movent , si
videantur , quam si legantur : & ra-
tio est, quia habitus illi, scenæ, &c.
magis proponunt rem ante oculos,
& decipiunt quodammodo phantasi-
am , ita ut jam non illud poësim re-
putet , sed historiam , & credat, tunc
primùm fieri, quod multò antè fa-
ctum est; hinc etiam est, quod, qui
phantasiam vehementissimam habent,
cùm magis res apprehendant, magis
etiam commoveantur , & sic gemant
plerumque legendo historias, & tra-
gœdias. Quare si terrere velis ,
exempli gratiâ , adolescentes à tem-
plorum irreverentia, si dicere eos exu-
endos Dei gratiâ , & deformandos
fœditate peccati, licet hæc mala gra-
vissima sint , quia tamen minùs sunt
sensibilia , minùs movebunt, quàm si
dicas;

dicas; Avolabit Deus ex illo Altari, solo æquabit hæc templa, & dabit stabulum fieri jumentis, aufugient Sacerdotes, & excutient pulverem è pedibus.

Quoniam verò, quæ præsentia sunt, magis movent, quàm quæ futura, proinde ad concitandos affectus describantur res quasi præsentēs: ut in hoc ipso exemplo certè vehementior erit motus, si dicas: Excutite pulverem è pedibus Sacerdotes, colligite sacra illa Lipsana, auferte Sacramenta vobiscum, cruces illas, & candelabra colligite; quæramus Religioni populum, qui majori eam studio colat, ac veneretur.

Breves esse debemus in affectibus propter rationes, de quibus suprâ; lacrymâ enim nil citius arcescit, & nullum violentum perpetuum. Cum autem dico proprium affectuum locum esse Perorationem, non intendo prohibere, nè aliquis in cursu oratio-

E 2

nis

nis identidem exciteretur; sed moneo tantum, nè id fiat ex professo. Cum sumus in affectibus, abstinendum est alijs delicijs, & ornamentis, quæ venustate sua distrahunt intellectum, nè jam attendat ad ea, quæ inculcantur; quare tunc metaphoris non utendum, nisi ijs, quæ actuosissimæ sunt, & proponunt maximè rem ante oculos. Ornatus autem tunc maximè esse debet ex figuris vehementibus, & ex alijs, quæ pertinent ad genus dicendi summum; de quo infra.

Demum cavendum diligenter, nè, cum excitare volumus unum affectum, dicamus aliquid, quod excitare contrarium possit, vel disparatum, in quo peccant, qui agentes de terrore divini iudicij, & de operibus iustitiæ DEI, digrediuntur ad commendandam ejusdem commiserationem, hoc enim secundum, quia spem excitat, destruit primum, quod intendebat timorem. Denique ars affectuum

etuum major est, quàm vulgus Oratorum credit, & pauci sunt, qui non destruant sæpe vel acumine aliquo, vel ineptiâ, & eruditione recondita, & amœna, quidquid affectuum in Auditoribus excitârunt.

- OBSERVATIO XIX.

De numero oratorio.

Numerus oratorius non tam ex strigosa illa pedum observatione, quam tradunt Rhetores, præsertim Cyprianus lib. 3., quâ ex assidua Oratorum lectione, Tullij præsertim, comparatur; fit enim ex hac, ut sensim finè sensu assuescamur harmoniæ, & rotunditati periodorû; ita ut deinceps, vel cùm non advertimus, adhuc numerosè dicamus.

Pro numero servando moneo primò crebriores synalæphas, & elisiones vocalium vitandas esse; ut : *Pulturnia aëre Jonio educata*; ubi vides, quàm lædat aures illa elisio a, e, i, o.

E 3

Secundò

Secundò vitandus concursus duplicium, vel plurium consonantium, qui asperat etiam Periodum; ut: *Rex Xerxes exercitum exercens ad bellum* quod vitium satis patet. Remedium erit, permiscere verba, ità ut grammaticum ordinem jam non retineant. Voco ordinem grammaticum, cum Nominativus est ante verbum, Accusativus post illud, epithetum post substantivum, & alia hujusmodi, mirum enim est, quàm serviat hæc praxis non solum ad numerum, sed etiam ad elegantiam periodi. Sit exemplum: *Prodit luminum Pater è gremio tenebrarum, atque ubi accenderit desiderium sui facibus prævijs Aurora, repetens lumina fœnerata per noctem syderibus erumpit in scenam.* Vides, quàm elumbata sit oratio. Inverte ordinem grammaticum, & videbis quàm elegantior appareat, etiamsi non immutata sint verba: fed tantum illorum ordo. *Prodit è tenebrarum*

*brarum gremio luminum Pater, atque
ubi prævijs Aurora facibus accenderit
desiderium sui: fœnerata per noctem
syderibus lumina repetens erumpit in
scenam, &c. & hoc servandum dili-
genter.*

In exordij: oportet accuratiùs
tornare periodum; quæ tamen, ca-
vendum, nè semper iisdem pedibus
desinant, sed aliquando diverso. Da-
ctyli, & hujusmodi pedes, qui nimium
præcipitant, utpote ex brevibus, non
sunt ità nati concludendæ Periodo:
in his tamen non ità religiosos esse
oportet, ut nunquam ità etiam con-
cludamus; varietati enim in omnibus
consulendum.

Cavenda carmina in Periodo, nè
in cantionem degeneret oratio, & de-
gravitate sua nonnihil amittat.

Cavendum etiam, nè numeri cau-
sâ quæramus perisologias, & Peri-
phrases, & videamur ultrà, quàm o-
portet, luxus Asiatici amatores, in

quo decipiuntur permulti, qui verba communia negligentes, tunc se aliquid dicere arbitrantur, cum, quod uno dici verbo potuerat, integra clausula complectuntur. Et hæc circa ea, quæ ad dispositionem, & inventionem spectant, paucis monuisse sufficiat.

OBSERVATIO XX.

Circa tria genera dicendi.

DE actione non habeo, quid moneam, ultra illa, quæ eruditissimè tradit Voëllus noster, Cyprianus, Quintilianus, & alij Rhetores; nihil item de pronuntiatione, & memoria: quare ad elocutionem, quæ omnium difficillima pars est, libenter digredior, cum hæc præsertim supra cæteras practica sit. Circa illam afferam primò observationes, quæ faciunt ad locupletandam elocutionem; ità ut unam, & eandem rem pluribus modis explicare

plicare possimus. Secundo ea, quæ illam eruditam efficiunt.

Tertio quæ acutam, ubi de argutijs.

Hisce omnibus præmittam axiomata quædam de stylo, & tribus generibus dicendi, atque ita satisfaciam pro modulo meo hujus operis initiatu.

Distinguunt communiter Rhetores tria genera dicendi, Imum, Medium, Summum; Imum genus est, quod imitatur consuetudinem familiariter loquendi, & planum est, ut in epistolis, & narrationibus: non habet figuras vehementes, nec ornamenta nimium exquisita, eximitur vinculis numeri periodici, licet habeat etiam suam harmoniam; munditiam solum, & puritatem sermonis requirit.

Medium genus uberius est, aliquantòque robustius. Admittit sententiarum lumina, metaphoras, & alia, quæ faciunt ad ornatum magis,
E s quàm

quàm ad vim: & hic est stylus prolixi-
onum.

Summum genus lacertosum est, & militare; frequens in contentionibus, & amplificationibus, & affectuum præsertim graviorum concitationibus. Habet exclamationes, & interrogationes vehementes, obsecrationes, communicationes, & alia hujusmodi: dissolutè item dicit sine particulis, & commissuris communioribus. Hoc genus Perorationibus serviet, & Amplificationibus.

Exordij stylus erit in secundo genere, & in eo tornabimus accuratius periodos; inductiones erunt elegantissimæ, sine ulla tamen contentione; sententiæ moderatæ; magis enim propriæ sunt rei jam probatæ per confirmationem, & locum habent potissimum in fine probationis alicujus argumenti, vel in rebus ità claris, ut vix probatione indigeant; cum lumine naturæ notæ sint.

In

In narrationibus, quæ non sunt in
 Judiciali [in hoc enim genere planæ,
 & sinè phaleris esse debent] oportet,
 inquam, in narrationibus reflectere
 ad Historias, ad Fabulas, & alia hu-
 jusmodi; item comprehendere mul-
 ta paucis; ad quod inservit maximè
 contrapositum, & adjunctio, quæ fit,
 cùm ex uno verbo plura reguntur.
 Dicam clariùs: stylus narrationum
 rerum, quæ notissimæ sunt, affinis
 esse debet stylo elogiorum. Si autem
 ignotæ res sint, cùm argutiæ plerum-
 que fundentur in Historia, non
 possunt intelligi, si illa obscura sit,
 vel non ita nota. Affero exemplum.
 Volo narrare Valentis Cæsaris ca-
 sum, qui ex bono cive factus est pes-
 simus imperator; ecce quàm lepide
 id fiat per argutias, & contraposita.
*Dedidicit in palatio, quod diu didice-
 rat in exilio: in illic abiit mores, cu-
 jus vocaretur in sortem, princeps prope-
 ravit ad imitiorum; cùm vixus est*
 E. 6. *ad*

ad summum honorum apicem conscen-
disse. Credas exuisse probitatem, cum
purpuram indueret: ibi cæpit esse de-
erior, ubi melior esse debuerat, & sa-
ctus ex innocenti reo perditus Iudex,
magni Basilij tolerantiam temulentus
exercuit; donec in agresti casa, ut ex-
tingueretur, accensus, finem suum mo-
riens illustravit in flamma. Exempla
in alijs generibus habes apud Tulli-
um, & alios. Sanè vix alibi oppor-
tunior est locus argutiarum, quàm
in hujusmodi narratiunculis; in Am-
plificationibus enim nonnihil ener-
vant robur argumentorum, dum ab
attentione Auditorem avocant in ad-
mirationem ingenij dicentis.

OBSERVATIO XXI.

Circa varia styli vitia.

P Eccant primò nonnulli, quòd
ornatum nullū, ac delectum in
verbis adhibent, & pedestri,
vulgarique modo dicendi sinè varie-
tate

tate vel figurarum, vel sententiarum, servando ordinem grammaticalem, quem jam dixi, iterando sæpius idem verbum, quod eorum inopiam evidentissimè prodit, addendo cuique substantivo reciproca, ut: *matres amant filios suos, & illis blandiuntur*, & alia hujusmodi, quæ demittunt orationem; elegantius enim dicitur sinè hujusmodi Pronominibus, ut: *matres iis, quos amant, filiis blandiuntur*. In hoc vitio ceniuntur jejuni, & qui tyrones sunt in oratoria facultate. Remedium est eos cogere ad Metaphoras, ad lectionem auctorum, qui graves sint, & illorum capacitationem non excedant; omnium tamen optimum assidua exercitatio. Ali- ter enim nunquam perficitur stylus, qui nihil aliud est, quàm facultas quæ- dam explicandi res verbis, quibus oportet, & modo, quo oportet.

Hoc vitium, utpote proprium he- betiorum, & rudium, tanto opere re-
for-

formidat vulgus sapientum ; ut dum unum fugiunt, in plura incidant huic uni opposita; & ex his quidem alij in stylum poëticum degenerant. In quo autem differat stylus poeticus ab oratorio, non ità facilè definiri potest.

Ego adverti Poetas in hoc potissimum differre, quòd Oratorum modo non explicent res ipsas, sed earum loco Deos præsides, signa, causas, effectus, partem pro toto, totum pro parte, inventorem pro re inventa, &c. Frequentissimè etiam dant animam rebus, &, qualibet oblata occasione, in fabulas digrediuntur.

Orator, exempli gratiâ, si describat Auroram, dicet interlucere prius tempus quoddam sublustre, lucemq; adeò creperam, ac dubiam, ut eam vix à tenebris internoscas, sed si diurnæ lucis memineris, noctem reputes, si nocturnarum tenebrarum, dici conjungas. Poeta verò dicet, roscogurru vscam Auroram, flagello lucis

sis fugare sidera, unum illi rebellem
Phosphorum obistere, poscere ra-
dios Phœbum, & quadrigam suam,
equosque ad iter hortari.

Frequentiora etiam epitheta sty-
lum poeticum faciunt: in quo pec-
cant non pauci Italicè declamantes;
Orator enim non assumit epitheta,
tanquam complementum Periodi, ut
sæpe Poeta carminis, sed tantum si
magis rem explicent; si addant pon-
dus Amplificationi; si contineant
argutiam aliquam; vel eruditionem
seitu dignam; si deniq; sint ex illis,
quæ commendat Horatius in Poe-
tica; quæ adjuncta verbo, illud quo-
dammodo novum reddunt; ut sunt,
quæ videntur destruere id ipsum cui
apponuntur, ut illud: *objurgatio enco-
miastica*; si enim objurgatio, quomodo
encomiastica? & si encomiastica, quo-
modo objurgatio? quæ epitheta venu-
stissima sunt, nisi frequentiora sint,
quam decoris ratio postulet.

In stylum etiam poeticum facile
 Incidunt Idolatræ translationum,
 qui nihil unquam dicunt per verba
 propria, sed omnia per Metaphoras:
 quæ planè putidum faciunt dicendi
 genus, & obscurum etiam, dum Al-
 legorias solum, & ænigmata loquun-
 tur: omnis enim ornatus, ille po-
 tissimum, qui minùs naturalis est,
 magisque artem sapit, si nimium fa-
 miliaris sit, venustatem, & admirabili-
 tatem prorsus amittit.

Stylus hic putidus, & affectatus,
 ut vocant, aliquando est in inventio-
 ne tota, ut cum Propositio ipsa, &
 probationes poeticæ totæ sunt, ali-
 quando in elocutione; & ratione
 hujus alii peccant in figuris sectando
 illas, quæ magis artificiosæ sunt, ut
 crebras Anominationes, Gradatio-
 nes, Enumerationes, longiores mul-
 tarum rerum ad ostentationem me-
 moriæ Ascensus, & Descensus, quos
 Itali vocant *Sali, cendoli*; & iunctum
 cum

cum postquam multa numeravimus, ea omnia ordine inverso sæpe resumimus, in quo olim frequentiore se fuisse doluit Panigarola jam senior. Absit tamen, ut damnem ego hoc loco hujusmodi ornamenta, quibus ego etiam libentissimè utor; sed arguo solum frequentiore illorum usum, eò quòd inde omnis illis venustas detrahatur: nihil enim pretiosum, quod non rarum: & bene Satyricus: *Voluptates commendat rarior usus.*

Alii peccant in verbis simplicibus, captando nimis studiosè vel antiqua, & obsoleta, vel mollia, & putida, ut sunt diminutiva quædã hujus generis. Ocellulis blandulis, à somnulo obsessis, &c. Quod vitium est satis commune illis, qui cruditi volunt videri, ac proinde omni penè in verbo ad historiam, vel fabulam alludunt, obruuntque rerum copiã, & in-

digressa

digesta illa mole fatigant Auditores suos. Cavendum igitur diligenter, nè immoderatum gloriæ, & plausus desiderium, illum ipsum nobis immittat: absit, ut unquam ita serviamus ingenio, ut rationi, & prudentiæ, id, quod addamus acumini, detractum velimus: ego sanè malim audire minùs acutum, incedentem non supra conditionem suam, quàm sciolum aliquẽ, qui se supra nubes attollat per audaces Metaphoras, & Hyperboles, prodâtque vel in ipsa dictione sua ambitionem sapientiæ, & tumorem, quo uno magis læduntur Audientes, quàm quolibet alio, quod tolerare cogantur in dicente.

Et hæc ipsa ratio est, cur tanto opere moneant sapientes, nulla re magis abstinendum Oratori, quàm à vendicatione rerum suarum; atq; ideo ea illum voluit lege teneri, ut de suis rebus nunquam loquatur.

Stylus puerilis superiori satis affinis.

nis amat descriptiunculas, in quas qualibet data occasione digreditur; præsertim in descriptiunculas tenuiores, ut sunt, horti floridi, rivuli fluentis, choreæ muliebris, Auroræ, & similia.

Solet etiam exigere sæpe attentionem per formulas illas communes, ostentare item peritiam præceptorum Rhetorices, contradere ex auctoribus quædam insigniora, quas ut ipsis nova sunt, ita & aliis autem inaudita, in quacunque etiam re, vel levissima, dicta sapientum adducunt; & similiter desinens, & subjectiones, & his similia. Hæc vitia ideo adduxi, ut cognita vitari facilius possint.

OBSERVATIO XXII.

An unus aliquis stylus supra ceteros sit probandus.

QUæres primò, an laudandi sint illi, qui jurant in verba alicujus

alicujus auctoris ita, ut profiteantur se nihil dicere, quod ille antè non dixerit. Dicam ego planè, quod sentio, ridiculos videri, qui se in raras velint angustias redigere. Amabo potius illos, qui cum ex omnibus auctoribus seligant id, quod in ipsis laudari solet, id ita exprimunt, ut faciant quodammodo suum. Cave tamen, putes damnare me eos, qui auctores, Tullium præsertim, sibi imitandos proponunt. Absit, ut prohibeam tam ingens emolumentum nostræ facultatis. Auctores, antiquos præsertim, qui assidue non habeat in manibus, vix proficiet. Rideo solum eos, qui ubi nullum dixerint verbum, quod in Nizolio non invenerint, se illico venditant Tullianos, quos ut plurimum frigidos videmus, & ingenii minus acuti, inopiam suam hac arte tegere, & insultare demum aliis omnibus, ac si latine non dicant, quia dicunt aliquid, quod Terentius,

vel

vel Plautus, vel Plinius dixerit, & non Tullius. Scio, magnos viros aliter fortasse sentire: si tamen meam propositionem intelligant, non video, quid in ea possint arguere; cum enim non unum sit scriptorum genus, cur unum styli genus esse debeat, plane non video. Quid quod ipsemet Tullius idem ubique non est; alio stylo scripsit Epistolas ad Q. Fratrem, alio ad Atticum, alio ad Familiares, alio libros de Philosophia, alio de Officijs, alio orationes in Verrem, alio in Antonium.

Atqui, inquiunt, stylus Tullij perfectissimus est. Quis hoc audeat inficiari? Veneror Tullium, quem tota posteritas adoravit, tanquam unum aliquem eloquentiæ Deum: & damno eos, qui se ita parùm novisse Tullium ostendunt, ut quia verba Tullij habent, ideo stylum Tullij habere se dicant; ac si iisdem verbis Tullij non posset stylus Senecæ, & cuius;

cujuslibet alterius auctoris exprimi.
 Adde, quod non quia homo perfectissimum animal est, ideo simius, qui ad illum propius accedit, est ab illo secundum, & non potius omnium penè turpissimum. Ubi adverte, hujusmodi erroris causam esse, quod hi Pseudotulliani styli nomine verba intelligunt; in quo quàm decipiantur, patet ex eo, quod omnes scriptorum latinorum styli diversi maxime sunt, & tamen omnes non alijs, quàm quæ in Calepino sunt, verbis utuntur. Sed de his satis. Varias styli differentias expressit luculenter Causinus in suis Parallelis.

Quæres secundò: quem potissimum imitari debeat eloquentiæ candidatus in unoquoque styli genere, & in diversis scriptorum generibus ad artem suam spectantibus? Respondeo, in orationibus primas omnino dare me Tullio: neque enim habemus aliquem, in quo plures dotes conve-

niant;

niant; ibi enim elegantia in elocutione cultissima; vehementissima in affectibus, lepores, sales, transitiones; & alia hujusmodi admirationem alere possunt. In Panegyricis tamen non video, cur laudem suam non habeat Plinius, & Pacatus; in genere dicendi Didascalico Quintilianus; in Satyrico Petronius; in concionibus historicis Livius, & Sallustius. Et in univ[er]sum opinio mea hæc est, ad quam etiam conformare stylum pro viribus studui, ut quæ ad nervos artis, ad amplificationes, & periodos pertinent, Tullium sequer[er]; ornamenta verò tum ex argutiis, tum ex eruditionibus ab aliis acciperem. In orationibus tamen, concionibus, & rebus serijs, abstinere[m] ab ornamentis, quæ Palæstritam potius, quàm militem exprimerent, in cæteris verò aliquantò liberius ingenio indulgerem: ita in elogijs, ita in præfatiunculis Laconicum exprimo.

mo, in aliis ab Asiatica amplitudine non abhorreo. Sed in his seculo nostro nimia jam fortasse libertas est; & plerique de stylo disputant, qui ne styli quidem definitionem intelligunt.

Styli vitia nil æquè corrigit, ac lectio magnorum Oratorum. Experimentiâ enim didicimus, nè ingeniosissimos quidem ad styli consistentiam aliquam pervenire, antequam videri potuerint ad ætatis consistentiam jam venisse; vel enim ipsis ingeniis ætates suæ sunt, quarum in una acerbiora sint, in altera vix matura.

OBSERVATIO XXIII.

Circa aliquot rationes variandi eloquutionem.

Venio jam ad primam harum observationum partem, in qua afferô nonnulla quæ faciunt ad hoc, ut unam, & eandem rem pluribus modis explicemus, in quæ

quo maximam difficultatem experiuntur hujus artis tyrones.

Vir damnatae memoriae in opere de copia rerum, & verborum, quemadmodum & Simon Verpæus in libro de eadē materia varias tradidēre rationes, quibus variari posset elocutio. Harum præcipuas hīc referam. Primus modus est per synonyma rei, de qua dicimus, ut pro navi possum dicere Triremem, Myoparonem, Ratem. Ad hunc modum pertinent etiam ea omnia, quæ dicuntur per quandam æquipollentiam; ut sunt, quæ per Synecdochen, Metonymiam, & Catachresim efferimus, ut cum vel partem pro toto, totum pro parte, inventorem pro re inventa, &c. pro quibus consule Cyprianum libro 3. Extat libellus de synonymis Ciceronis, qui perutilis est.

Secundus modus est per periphrasim; ut cum pro sole dicimus nobilissimum illum lucis Aurigam, pro
E
lucis

Iuscinia syrenem sylvarum, &c. & hic
modus optimus est, si fiat suis locis, &
serè coincidit cum descriptione.

Tertius modus est per tropos, quo-
rum tamen plures magis ad Poetas
pertinent, quàm ad Oratores, ut sunt
multa, quæ per Synecdochen, & Meto-
nymia & Catachresim dicuntur. Vari-
atur autè elocutio per Antonomasiam
non solum modo illo communi, quo
dicimus Oratorem Romanum pro
Tullio, Apostolum pro Paulo, &c.
Sed etiam cum illi, quem laudare,
vel vituperare volumus, affigimus
nomen illius, qui in illo genere vir-
tutis, aut vitij summus habetur, ut
cum dicimus:

Archimedem pro mathematico.

Phalaridem pro crudeli.

Sardanapalum pro molli.

Verrem pro fure.

Momum pro mordaci.

Thersitem pro deformi.

Phormionem pro confidenti.

Cho;

Choræbum pro stupido.
 Stentorem pro clamoso.
 Irum pro paupere.
 Aristidem pro iusto.
 Catonem pro gravi.
 Vertumnū pro inconstanti.
 Curionem pro obliuioſo.
 Protheum pro mutabili.

Et in uniuersum ea omnia, quæ dicuntur per quandam excellentiam, habent rationem aliquam Antonomasiæ.

Per Auxesim, siue per amplificati-
onem variatur oratio, cū ampli-
candæ rei gratiâ verbum atrocius
subjicimus loco proprii, ut cū
significare volentes aliquem dolore
affectum, dicimus exanimatum, &
mutum, qui nihil responderit, & re-
vixisse, qui sperare cœperit. Huc
pertinent etiam appellationes illæ,
cū dicimus immitem hominem, car-
nificē; sceleratū, scelus; malā foeminā,
veneficam. Præterea denominationes

illæ, quæ ab ipsa re sumuntur, ut cum dedecorosum dicimus dedecus, lurconem barathrum, tenebrionem tenebras, contemptum quisquilias, brutum pecudem, virulentum viperam.

Per Hyperbolen variatur etiam elocutio: est autem hyperbole dictio fidem veritatis excedens augendæ, minuendæve rei gratiâ: minui-
mus autem potissimum per comparationem aliquam cum rebus inanimis, & sic dicimus stipite aridiorem, silice duriores, litore surdiores, arenis sicciores, cote duriores, buxo pallidiores, algâ viliores, pice nigriores, plumâ molliores, plumbo stupidiores, cortice leviores, æquore inconstantiores, ære Dodonæo loquaciores, pistillo retusiores, am-
pullâ inaniores, Charybdi voracio-
rem, morte odiosiores, cribro infide-
liorem, & his similia.

Aliquando minui-
do

do cum personis notissimis in co-
 nere, in quo vituperamus : & sic di-
 cimus Cyclope immaniores, Tiresiâ
 cæciorem, Gigantibus clatiorem,
 Phormione confidentiorem, Megarâ
 furiosiores, Icaro inconsultiorem,
 Annibale vafriorem, Codro paupe-
 riorem, Timone inhumaniores, Pe-
 niâ indigentiores : quæ personæ
 vel notæ sunt in comœdijs antiquo-
 rum, ut Gnatones illi, & Thrasones;
 aliæ in fabulis, ut Tiresias, Protheus,
 Harpyiæ, Gigantes; aliæ in historijs,
 ut Phalarides, Curiones, Annibales,
 &c. Aliquando fit comparando cum
 populis, & gentibus, quæ in eo genere
 infames sunt: ut, cum quis dicitur
 Pygmæo brevior, Cretensi mendaci-
 or, Thessalo perfidior, Milesijs ef-
 fæminator, Scythâ asperior, Arcade
 stolidior, Thrace bibacior, Sybaritâ
 mollior, Arabe ditior, Pæno fraudu-
 lentior, Scythotauris insolentior, &
 his similia.

E 3

Ali.

Aliquando minuimus, comparando cum personis respiciendo in illis munera, conditiones, & artes; & sic dicimus Arcopagitâ tristiores, milite gloriosiores, Tenedio iudice severiores.

Aliquando minuimus, comparando cum animantibus, quæ in eo genere notissima sunt, ut cum dicimus Tauro robustiores, Testudine tardiores, Vulpe fraudulentiores, Felle rapaciores, Phænice rariore, Vulture edaciores, Muliere loquaciore, & his similia.

Aliquando denique minuimus iterando idem verbum per suum Abstractum, ut cum dicimus ipsâ nequitia nequiores, ipsâ loquacitate loquaciore, ex quibus poterit quis alia deducere ad minuendum.

Isdem omnino rationibus augebimus res, quibus minuimus, & laudabimus, quibus vituperabimus, & sic comparando cum inanimis dicemus;

mus Magnete illicibiliorem, Auro
 pretiosiorē, Fonte puriorē, Nive
 candidiorē, Melle dulciorē, Oleo
 tranquilliorē, Sole clariorē, Alno
 proceriorē, Oculis chariorē. Item
 comparando cum personis notissi-
 mis, vel in comœdijs, vel in fabulis,
 vel in historijs, vel cum Dijs in vir-
 tute illa laudatissimis; & sic dici-
 mus Mercurio facundiorē, Venere
 formosiorē, Marte bellaciorē, Mi-
 nervâ doctiorē, Gratijs humanio-
 rem, Euterpe concinniorē, Aristi-
 de justiorē, Penelope castiorē,
 Ulyssē sagaciorē, Achille fortio-
 rem, Numâ sanctiorē, Regulo fide-
 liorē; & sic de alijs comparationi-
 bus, de quibus supra.

Per allegoriam quomodo varietur
 oratio, patebit ex observatione se-
 quenti; ubi de Metaphora, neque
 enim aliud Allegoria est, quàm
 Metaphora conti-
 nuata.

OBSERVATIO XXIV.

Ratio variandi elocutionem per Metaphoras.

Nobilissima ratio variandi est per Metaphoras, quæ mirifice ornant orationem, & aliàs quidem inserviunt ad explicandam magis rem, aliàs ad magis exornandam. Cum igitur, ut sæpe accidit, verba non suppetunt propria, quibus rem explices, vel proprium non est ita nobile, sed tritum, & commune, accurrendum ad metaphoras, de quibus hic dicam ea, quæ ad praxim illarum inveniendarum facere possint, omittis alijs, quæ minus utilia sunt, ut, quomodo distinguantur ab æquivocis, Analogis, Enigmatibus, Allegorijs, de quibus uberius Panigarola in Demerrium, & Aresius l. 3. c. 11.

Species Metaphoræ assignantur à Cypriano lib. 3. cum ab inanimis ad animata, & ab animatis ad inanima, & ab

& ab animatis ad animata, & ab inanimis ad inanima transfertur aliquid. Hanc divisionem magis explicat Panigarola hac ratione, à bestiis ad inanima, ad plantas, ad homines; à plantis ad inanima, ad bestias, ad homines; ab inanimis ad plantas, ad bestias, ad homines; ab hominibus ad inanima, ad plantas, ad bestias. Quæ divisio quàm recta sit, hic non disputo; moneo tantum, cum dicit ab hominibus, intelligi debere cum rebus omnibus proprijs hominis, ut sunt opera memoriæ, intellectus, voluntatis, & perturbationum omnium.

Quandoquidem omne id, quod est Metaphora, respectu alterius est; indignari enim, quod de Araxe fluvio metaphoricè dicitur, de homine propriissimè diceretur; ideo primam rationem, & radicem inveniendi metaphoras existimo esse, si habeamus ad manus voces proprias cujusque

F. 5.

rei,

rei, & artis, ad quod utilia sunt Onomastica illa, in quibus disposuerunt auctores res singulas per suas classes: ut illud Grapaldi de re domestica, & aliud Francisci Alumni inscriptum *Fabrica del Mondo*: aliud item, quod inscribitur *Nomenclator rerum omnium*. Quod si quis posset habere nomina, & verba pertinentia ad artem aliquam, vel elementum, eo modo disposita, quo sunt in tabula, quâ hîc exempli causâ subijcio, facile transferret proprium unius ad aliud, atq; ita facile metaphoras inveniret.

*Tabula vocum spectantium ad
militarem.*

Gladiatores,	Exauthorare,
Athletæ,	Propugnare,
Agonistæ,	Vallare,
Palæstritæ,	Munire,
Emissarii,	Mercere.
Metatores,	Irruptio,
Perduelles,	Impetus,

Fæci-

Faciales,
 Gregarij,
 Triarij,
 Speculatores,
 Provocare,
 Arietare,
 Doloricare,
 Castrametari,
 Digladiari,
 Authorare,

Suppetiæ,
 Induciæ,
 Asylum,
 Stratagemæ,
 Sarcinæ,
 Stipendium.
 Impedimentæ,
 Acies,
 Aggressio,

Tabula spectantium ad nauticam.

Nauta,
 Nauarchus,
 Remiges,
 Vectores,
 Pyratæ,
 Naufragi,
 Cynosura,
 Oceanus,
 Naufragari,
 Hamare,
 Pilcari,
 Egerere,

Turbinari,
 Jactari,
 Fluctuare,
 Emergere,
 Rudentes,
 Transtra,
 Decumani,
 Carbasa,
 Portus,
 Procella,
 Saburra,
 Malacia.

& alia sexcenta, quæ hîc omitto. Hac cognitione rerum, & verborum suppositâ, vide quàm facîle possis transferre unum ab alio: si enim sit describenda tempestas, poteris sumere metaphoras ab ijs, quæ in tabulâ datâ propria sunt rei bellicæ, & sic diceres digladiari ventos, liquidis arietare montibus cœlum, ut patet in hac descriptione. Si quando ex conjuratione ventorum in seditionem excitum mare vehementius intumuerit, totum illicò videas in spumas iracundiæ indices constipari, liquidis arietare montibus cœlum, immiscere se nubi- bus, immortales syderum flammâs ex- stinguere, artis præsidium navarchis adimere, naves in syrtes allidere, nau- fragos usque ad interitum fatigare, pisces in littus egerere, præfinitos are- narum terminos dedignari, frangere fluctibus fluctus, discordique boath so- porem finitimus impedire. Ubi vides arietationes, seditiones, & alia ferè omnia,

omnia, quæ nobiliora sunt, à re militari esse desumpta. Jam verò si è contra sit describenda pugna militaris, & bellum, poteris describere, assumendo ea, quæ sunt propria procellæ, & ea quæ spectant ad nauticam, atque ita dices, fluctuare victoriam, vix unum aliquem è tot fluctibus liberum enatare, ut videre est in hac descriptione. Quàm non absimilis in nos fuerat excitata tēpestas, cūm variis bellorum acta turbinibus æquora nostra citra pelagi fines decumanos intrà fluctus ingemerent: cūm hinc plumbeæ grandinis nimbi, illinc bombardarum conitrua, indè prævia æneis fulminibus fulgura ipsis etiam magnanimis meliorem animi partem eriperent; cūm purpuram cruento daremus Eridano, quo se verius fluviorum Regem jactaret; cūm rideret ager cadaverum adipe saginatus, cūm quisque tanquam in naufragio facultates egereret, & ex imminente mole malo-

nam supremam perniciem expectaret.
 Et hæc ratio describendi lepidissima
 est, si præsertim continemus me-
 taphoras, quæ fiet Allegoria, non
 pura illa quidem, sed mixta cum pro-
 priis, quæ illi obscuritatem summo-
 pere minuent.

OBSERVATIO XXV.

*Proponuntur alie rationes inve-
 niendi Metaphoras.*

Aliam rationem tradidit Ari-
 stoteles in poetica, & est, cum
 recipimus genus illius rei,
 cui intendimus Metaphoram appli-
 care; & cum sub eodem genere sint
 diversæ species, aliæ quidem nobilio-
 res, ignobiliores aliæ, has assumi-
 mus, ut vituperemus, illas, ut laude-
 mus. Explicabo rem clariùs exem-
 plo. Volo laudare magnanimitatem
 Achillis. In genere magnanimi sunt
 tanquam species Aquilæ, Leones, He-
 roës. Si vis igitur laudare, dices
 Aquilam,

Aquilam, vel Leonem, vel Martem
Græcorum: species verò ignobilio-
res in eo genere sunt illis directè op-
positæ, ut Lepores, Columbæ, Mar-
gites, &c. hunc modum fusiùs ex-
plicat Aresius. Aliud exemplum sit.
Volo laudare aliquem in genere pul-
chritudinis: sub hac specie sunt viri,
mulieres, flores, gemmæ. Poteris
igitur dicere rosam, margaritam, He-
lenam, &c.

Alius modus est, deducendo me-
taphoras ab ipsa similitudine, qui fa-
ctis obvius est, ut verbi gratiâ, diceres
per similitudinem, Quemadmodum
Leo vastat obvios quosque, ita Achil-
les. Detrahe notam similitudinis,
quæ à plurimùm explicatur per illas
voces, *Veluti, Sicuti, Quemadmodum,*
Non secus ac; & fiet metaphora, cum
dices: *Leo ille Græcorum.* Ad inve-
niendas autem similitudines possumus
lustrare singula prædicamenta,
& videre, quid in eorum unoquoque
faciat

faciat ad rem nostram. Sed hoc supponit cognitionem prædicamentorum, de quibus Logici. Tertium modum affero, & est respicere varios ordines, quos habet res aliqua ad alias; & hunc ego facillimum, & optimum reor. Respectus autem istorum sunt ad suas causas, & effectus, ad paria, ad majora, ad minora, ad contraria, ad antecedentia, ad consequentia. Sit exemplum. Volo Solem describere per metaphoras conglobatas, ut illas inveniam, considero varios Solis respectus ad suas causas, Deum scilicet, cujus dico thronum esse, & imaginem; ad Cælum, & dico esse oculum Cæli; ad paria, ut sydera, & dico esse syderum Regem, & Patrem; ad situm, in quo est, & dico esse cor mundi; ad effectus suo, & dico esse aurigam, & fœneratorem lucis; ad mundum, & dico esse lampadem in hoc DEI templo suspensam; in ordine ad contraria, puta

ta tenebras, esse illarum pernicientia.
Omitto ceteros, quos ex istis intelli-
ges.

Ut autem clarior accidat hic mo-
dus, oportet attendere in rebus ipsis,
cum quibus inest hic ordo, qualiter
accipi soleant, & definiri per meta-
phoras; ut verbi gratiâ mundus,
cum quo respectum habet Sol, alijs
animal est, alijs templum DEI, alijs
theatrum, &c. Si Sol comparatur
igitur ad illum, quatenus animal di-
citur, appellabis Solem immensi hu-
jus animalis cor, & oculum: si tan-
quam cum templo, magnificentissi-
mi hujus templi æternam lampadem,
aut victimam, aut Sacerdotem: si ut
ad theatrum, dices illud esse vel
actorem, vel spectatorem primarium,
qui DEI partes agat: quod si com-
pares ad fydera, quæ alijs sunt mili-
tia Cæli, hujus ille militiæ dux erit;
alijs familia, Pater erit; alijs fune-
bres facies, hisce facibus illius funeri

Parentari. Qui modus quàm elegans sit, pater; plures enim metaphoræ conglobantur, quarum una magis explicat aliam; quod in Praxi clariùs patebit.

Habeo adhuc alias rationes, quas facilitatis gratiâ excogitavi.

Prima est, si res proprias unius sensus transferas ad alios, quæ sint propriæ alterius, & sic dicas bibere voces auribus, devorare aliquid oculis, serere verba, & similia; serere enim, quod manus est proprium, transfertur ad linguam; & devorare, & bibere proprium gutturis, transfertur ad aures, & oculos.

Secunda, accipiendo res proprias Cæli ad significanda ea, quæ sunt in terris, & è contrâ; sic rectè dices florere Cælum astris in æterno illo vere, suis distingui syderibus cælo æmulant terram, cum floret, &c.

Res item proprias unius elementi ad proprias alterius rectè transferimus.

mus. Sic dicimus aves in aëre pen-
nis remigare, volare naves in mari,
suas esse Syrenes in sylvis.

Item cum res unius artis proprias
transferimus ad alias artes; & sic re-
cte dicimus circinare periodos, trans-
ferendo ad oratoriam id, quod est
mathematices. Sed hic modus satis
patet in exemplis allatis superiori
observatione de nautica, & militari.
Civilia item transferimus ad rem ru-
sticam, & è contrà; sic dicimus flo-
rere Rempubl. civibus, & similia.
Naturalia item ad artificialia, & è
contrà. Sic Cælum dicimus Aca-
demiæ syderum, mare cumulum
Solis, & alia hujusmodi, quæ passim
occurrunt in auctoribus. Has rati-
ones omnes qui percurrat, non vi-
deo, cur metaphoras invenire
non possit, nisi sit omni-
prorsus ingenio de-
stitutus.

OBSER

OBSERVATIO XXVI.

Circa perfectiones, & vitia Metaphoræ.

IN perfectionibus metaphoræ prima est, ut non solum per eam innotescat simpliciter res, quam exprimimus, sed aliqua etiam ejus proprietas, & modus, aut major aliqua convenientia unius in aliud, quæ per verbum proprium non ita innotesceret. Sic rectius dices pluerex oculis lacrymas, quam si dicas scaturire; pluerenim explicat modum lacrymarum, quo cadunt; quem non explicat scaturire.

Secunda, quæ attribuit animam rei inanimæ, & repræsentat res in actione, perfectissima est: & sic dicimus sagittas volandi avidas, Et nam cruciatare flammæ, Mare dare oscula Littoribus, flumina mordere Provincias, Montem in mari pedes abluere, & hæ metaphoræ sunt, quas
tanto.

tantopere laudat Demetrius cap. 17.
& Panigarola in eum locum. Cur
autem tantopere placeant istæ meta-
phoræ, ratio esse potest, quia, quæ
actiuosa sunt, magis movent sensus,
quod patet in picturâ, cuius rationem
aliquam habent metaphoræ.

Tertia perfectio est novitas; illæ
enim minùs arrident, quæ passim te-
runtur à vulgo: antiquitas autem
metaphoræ non desumitur à tempo-
re, multas enim habet Homerus,
quas si proferas, pro novissimis exci-
pientur, sed ab usu frequentiori.
Quare in una, & eadem concione,
vel in alijs etiam diversis si eandem
dicas, cavendum diligenter, nè ino-
piam tuam prodas, si præsertim insi-
gnior sit metaphora, ad quam ideo
magis adverterit auditor: quod
ipsum iterum moneo, cavendum in
rebus omnibus, quæ insigniores sunt;
hæ siquidem cum firmius inhæreant
animis, iteratæ nauscam provocant,
& ad

& admirationem, quam excitant, extinguunt. Sunt autem multæ voces, quæ, cum initio metaphoræ fuerint, jam pro propriis habentur; ita familiares sunt: hujusmodi sunt illæ, lumen pro oculo, ardens pro amante, gravis pro molesto.

Quarta, ut sumatur metaphorà à proprietate, quæ magis elucet in re, in quo peccare autumat multi Metaphorà illà Pauli Tertij, quâ dixit Mediolanum Helenam Italiæ esse, volens significare fuisse tot causam bellorum inter Gallos, & Cæsarem, cum tamen Helena pulchritudine notior sit, quàm origine belli.

Peccant aliæ Metaphoræ ratione improportionis; ut si quis vocet Solem candelam; aliæ ratione materiæ, ut sunt illæ desumptæ à rebus sordidis; aliæ ratione obscuritatis, quæ provenit ex multiplici capite; primò quia supponit cognitionem alicujus qualitatis minus notæ, ut si quis

insti

instabilem hominem Cycladam dicat; Cycladas enim Insulas mobiles existisse non ita omnibus comper-
tum est. Si quid igitur huiusmodi ac-
cidat dicere, ex antecedentibus, &
consequentibus adducenda Metapho-
ræ claritas. Nascitur etiam obscuritas
ex eo, quod multæ plerumq; metapho-
ræ conglobentur, quæ demum se in-
vicem obruunt: Sapientis autem mo-
nitum est, *Nè quid nimis,*

Odi etiam portentosas illas meta-
phoras, quæ res tenues aliquando
etiam supra Hyperbolen evehunt,
quod jure deplorant nonnulli in no-
stri seculi oratoribus, qui nihil un-
quam dixisse se autumant, nisi rem,
de qua dicunt, supra Cælum, & Stel-
las, & quandoque etiam supra divi-
nitatem ipsam collocârint, quod ri-
diculum planè est Amplificationis
genus; ut enim bene Caussinus,
Amplificatio mendacijs non confla-
tur, nec qui dicit rem aliquam maxi-
mam,

nam, sed quæ eam talem probat, amplificat. Illud autem diligenter cavendum, ut metaphoræ sibi corresponsdeant, nè ab una videamur illico in aliam desultare, in quo peccaret, qui diceret Oratorem orationis clave confregisse obfirmatum animum; clavis enim est aperire, non frangere. Hæc omnia ferme vitia faciliè corrigi possunt per apposita, seu epitheta; cum enim quædam vitia sint ab excessu, alia à defectu; prima quidem per appositum minuens, secunda per appositum elevans corrigentur; ut si de Sole dicas, esse lampadem, tenuis metaphora est; appone epithetum augens, & corriges, dicendo immensam esse lampadem vastissimo huic DEI templo parem; & in universum nihil ferme est, quod magis metaphoram ornet, quàm epithetum; si tamen non sit inane complementum illius.

Quæres regulas, quibus possis explorare

plorare metaphoras, an bonæ sint? Respondeo primò, iudicium id relinquendum rectæ rationi. Secundò, dico cum Aristotele eam in nonnullis legem valere, ut ad explorandam unam metaphoram contrariam assumamus, de qua si prædicetur aliquid omnino contrarium illi, quod de alio prædicas, in quo est metaphora, quam exploras, si de contrario bene dicatur contrarium, signum erit bonam utramque esse. Exemplo explicaborem clariùs. Si quis dicat: *Hac æstate nobis imminet mons caloris*; assume contraria; Montis est Vallis, Caloris est Frigus, Æstatis est Hyems; vide igitur, an bene dicatur: *Hac hyeme erimus in magna valle frigoris*; hæc enim cum prava sit, aliam item pravam demonstrat. Sed notant plerique hanc regulam non valere ad explorandas omnes metaphoras, quæ magis ex se ipsis, quam ex præceptionibus innotescunt.

G

OB

OBSERVATIO XXVII:

*De variatione dictionis per alias
figuras.*

O Mitto hoc loco variationes illas, quæ consistunt in diversa collocatione verborum, ex eo quòd grammaticis finitimæ sint. Afferam tantum exemplum unius Propositionis variatæ per omnes figuras. Sit exemplum: *Nihil est virtute nobilius.* Variabitur hæc per omnes figuras, & tamen retinebit semper eundem sensum.

Per Interrogationem. *An est aliquid virtute nobilius?*

Per Responſionem. *Quid perennare hominem facit? Virtus.*

Per Subjectionem. *Virtuti divitiæ deſunt? At habet ampliffimas.*

Per Antecceptionem. *Quantum virtus, cum per ſe nobiliſſima ſit, ſe ipſam poteſt etiã inè voce laudare.*

Per Dubitationem. *Neſcio planè, quid*

quid reperiri possit, quod debeat cum virtute conferri.

Per Protopopæiam. *Mihi videor audire virtutem his vocibus querulā, Et quid habetis me ipsa nobilius, o mortales?*

Per Apostrophem. *Vos, vos appello, Sapientium oracula, quæ nihil unquam virtute nobilius agnovistis.*

Per Præteritionem. *Omitto hoc loco dicere, quæ sint virtutis encomia, nihil hic de illius dignitatibus, &c.*

Per Licentiam. *Videte quàm non formidem asserere, nihil in terris esse virtute nobilius.*

Per Concessionem. *Esto, demus mobiles esse divitias; nemo tamen virtuti primas ademerit.*

Per Ironiam. *Ità plane, in terris est aliquid virtute nobilius.*

Per Distributionem. *Virtuti non est, nec ad vivendum industria, nec ad pugnandum alacritas, nec ad obsequandum clypeus,*

G 2

Per

Per Permissionem. *Audeant hoc asserere infulsa cucurbita, Aliquid esse in terris virtute nobilius.*

Per Deprecationem. *Te ego per salutem tuam deprecor, atque contestor, ut illud tandem agnoscas, nihil interris esse virtute nobilius:*

Per Execrationem. *Dij te perdant, quodocumq; dixeris quidquam in terris esse virtute nobilius.*

Per Exclamationem. *O eximiam nobilitatem virtutis! o invidendam eorum omnium felicitatem, qui credunt nihil in terris esse virtute nobilius! Omitto alias, de quibus Cyprianus, & Caussin.*

In universum autem de figuris id monco, si suis locis fiant, vix quidquam esse, quod magis orationem exorner; in iis autem potissimum emicet dicentis natura. Quare vehementes, si usurpentur à frigidis, frigescunt quodammodo. Harum multas lectio suppedietabit magnorum

Ora

Oratorum, Tullij præsertim, qui in illis, & in cæteris divinisissimus est.

OBSERVATIO XXVIII.

*Circa varios modos transitionum,
& comparisonum.*

Utile erit hoc loco adnotare formulas aliquas earum rerum, quæ frequentius veniunt ad manus, & in primis transitionum. Est autem transitio, cum, absoluta tractatione argumenti, ad aliud progredimur; hæc autem variari potest his ferme modis. Primò ab æquali, hoc pacto: *At ut fuerint hæc jucundissima, non minùs voluptatis attulerunt illa, &c.* Secundò ab inæquali, ut: *Sed hæc utcunque ignoscenda, illud verò quis ferat? audistis gravissima, sed audietis etiam graviora.* Tertiò à simili. *Hæc perfidus perpetravit, quibus & affinia sunt illa, quæ nuper Roma dicitur perpetrâsse.* Quartò à contrario, ut: *Hactenus, quæ priva-*

G. 3.

tim;

tim, nunc que publicè: hæc juvenis
 patravit, nunc senis virtutes audite.
 Quintò à diverso, ut: De moribus hæ-
 ænus, nunc de doctrina reliquum est,
 ut dicamus. Sextò per occupatio-
 nem, ut: Quò transversos rapuit dolor?
 ad rem redeamus. Septimò per re-
 pressionem, ut: Ad reliqua propera-
 bimus, illud si priùs adjecerimus.
 Octavo à consequentibus, seu relati-
 vis, ut: Quid pollicitus sit, expositum
 est; nunc quid præstiterit, paucis ex-
 cipite. Et hæc de transitionibus.

Connectendi formulæ sunt ferme
 sequentes particulæ: Præterea, De-
 inde, Subinde, Porro, Autẽ, super hæc,
 adde his, accedit his, accedit ad hæc,
 huic pertinet, eodem pertinet, huic a fi-
 ne est illud, huic proximum est illud.
 Haudquaquam prætereundum, sed
 operæ pretium est illud audire. Et
 cum vehementius excandescit ora-
 tio: Iam verò, age verò, quid, quod,
 Iam vero quid referam? ut omittam,
 nam

*nam illud quid attinet commemorare?
nam hæc aliàs : elequar, an fileam? &
his similia, quæ faciunt magis ad con-
tentionem.*

Alias hujusmodi formulas, ut
comparandi, assentiendi, dissentien-
di, precandi, dividendi, dubitandi,
prohibendi, concedendi, libentissimè
hoc loco digererem, si per tempus
liceret; Peti tamen possunt ex lib. de
copia rerum, & verborum à cap. 15.
ad subsequèntia.

OBSERVATIO XXIX.

*Quæ gravem, & eruditam faciant
orationem.*

EXpeditis iis, quæ ad varian-
dam elocutionem spectant,
superest, ut de modo addendi
gravitatem, & eruditionem stylo pau-
ca dicamus. Non loquor hîc autem
de ea gravitate, quæ se tenet ex parte
inventionis, & probationum, sed de
ea solùm, quæ facit ad ornatum elo-
cutio-

centionis. Fiet igitur gravis oratio,
 vitando vitia styli, & translationum,
 de quibus suprâ. Hic pauca tantum
 dicam de sententiis, quibus potissi-
 mum styli gravitas constat: hæc au-
 tem sunt propositiones quædam ab-
 solutæ continentes aliquod receptis-
 simum apud Sapientes, vel præceptum
 aliquod ad mores spectans, & hæc pos-
 sunt efferri per varias figuras, ut: *O
 sera semper gaudia, &c.* & *quid stes
 in terris? Nihil, nisi sola Tellus. Fixa
 quæ vulgus vocat, errant, trahuntur,
 fluctuant, nunquam semel eadem, aut
 ibidem.* Frequentior tamen modus
 est per formulam absolute assertantis
 aliquid, ut: *Oportet hominem ad hoc,
 ut habeat argumenta sperandi, aut
 semper esse felicem, aut saepe miserum.*
 Aliquando sententia continet ra-
 tionem, & causam illius, quod asserti-
 tur, & aliquando quidem unam, ut
 cum dicimus: *Legitima animorum
 mensura sola tolerantia est; sola enim
 calamita*

calamitas hominem palpare non novit
 Aliquando verò continet plures rationes, & causas, ut cum dicimus: *sive felicitas venefica sit, sive sopor quidam feralis, sive perniciofa navigationi nostra malacia, experientia docet felicitatem animos enervare.*

Locus proprius sententiarum est in fine argumentorum, ubi conclusimus aliquid, & per sententias quodammodo exultamus in victoria. Aliquando etiam cum asseveramus aliquid spectans ad mores, & versamur in re, quæ trita videri potest, nisi eam per sententiam attollamus quodammodo, & nobilitemus: quod observandum diligenter, ut si loquaris de damnis divitiarum, res satis trita est, nisi eam per sententiam afferas, & dicas: *Auream si mentem habueris, ubi ad aurum accesseris, plumbeam reportabis; hoc facile capiuntur hamo mortales; plures auro periere, quam ferro, & hæc quoad gravitatem.*

• Eruditam verò elocutionem faciunt ea omnia, pro quibus tradidi rationem parandi sylvam, & sunt Proverbia, Fabulæ, Historiæ, & alia hujus generis, in quibustamen nimij esse non debemus, nè videamur, plusquam par est, affectare opinionem eruditonis.

• Eruditam etiam faciunt orationem allusiones ad Historias, & Fabulas, in quo genere excellit potissimum Tragicus, & alii Poëtæ, inter quos Statius, ut in minis Tydei ad Etheoclem poterat dicere simpliciter parum illi profutura Thebana mœnia, quod longè elegantius exposuit per allusionem ad fabulam. *Reddes, ingeminat, reddes, non si te ferreus agger Ambiat, & triplices alio tibi carmine nuros Amphion auditus agat, &c.* Sed simili passim occurrunt; cavendum solum, nè allusiones hujusmodi stant ad historias adeò reconditas, ut nonnisi ab eruditissimis intelligantur.

tar. Eruditio autem paratur potissimum optimorum lectione librorum.

Comparationes, & similitudines fieri possunt cum rebus vel naturalibus, vel artificialibus, vel cum historijs, & proprietatibus gemmarum, montium, lacuum, &c. hæc enim omnia faciunt maximè ad eruditionem.

Cavendum potissimum, nè extraneum afferantur hujusmodi ornamenta, sed curandum, ut videantur quodammodo nata cum rebus; in quo genere mirum est, quàm exccilat Marcus Tullius. Sed in hoc etiam usus te plura docebit, ut sæpe monui.

OBSERVATIO ULTIMA.

De argutijs, & varijs earundem generibus.

A Equiva, quam tantopere diligit ætas hæc nostra, nihil aliud est, quàm dictum quoddam acutum, seu formula quedam dicendi à communi ratione valde remota,

G. 6.

quæ

Christo in horto; *Alter Alcides hortos ingressus, non ut sumeret, sed ut absumeret Mala.* Tota enim argutia est in illo æquivoco; *Mala.*

Tertiò aliquando argutia tota sita est vel in traductione, vel in annotatione, & affinitate vocum, in quo genere cavendū, nè nimii simus; hoc enim proprium est styli puerilis. Ità dixi de Gregorio Thaumaturgo, cum montem movit, ut obstinatum converteret; facilius moveri sæpe montes, quàm mentes expertus. Quod genus familiare satis & tritum est.

Quartò aliquando argutia tota fundatur in analogia aliqua cum historia, vel fabella, ut cum in Genethliaco Principis Hyacinthi nati post bellorum, & pestilentiae tumultus dixi *Margaritas in India nunquam nasci majores, quàm cum graviora tonitrua, atrocioresque præcesserint tempestates, tradidit Athenæus; ut proin-*

da

de quem post tot bellorum, ac pestilentia damna Hyacinthum accepimus, nō nisi maximum reputem. Ubi est Analogia illa Hyacinthi ad margaritas, & pestilentia ad tempestates: sed huiusmodi passim occurrent, præsertim in panegyricis.

Quinto aliquando argutia consistunt in eo, quod, ubi dixerimus aliquid, subijcimus seu conditionem aliquam, seu quid aliud, quod destruat quodammodo totum id, quod dixeramus, quod fit per particulas illas, si, vel nisi; ut cum dixi de S. Basilio; qui tempore famis se venalem proposuit, ut corraderet inde pecunias in subsidium pauperum [Venalis omnibus, si pretium habuisset] & de Sancto Chrysostomo: Vir in omnibus aureus, nisi quod avaris placere non potuit: & de S. Augustino. felix Africa, si crebrius huiusmodi monstra proferres. Et quemadmodum dixi superius, apposita illa, quæ quodammodo

do

do rem videntur destruerē; cui apponuntur, & tamen illam adhuc melius, & elegantius explicant, habent rationem argutiæ; & hæ proprie sunt reflexiones, quia super idipsum, quod diximus, cogitationem reflectimus, & retorquemus.

Sexto aliquando, & ut plurimum argutiæ reddunt causam inexpectatam alicujus effectus. Causæ autem sunt quatuor, ex quibus etiam quatuor argutiarum species sunt sub hoc genere. Nobilior, & communior est, cum reddimus causam aliquam tanquam finalem, ita tamen ut finis ille videatur potius exegisse operationem contrariam, ut cum de Nerone dicimus, *Patriam incendit, ut exstingueret*. In Elogiis invenies plura in hoc genere, ad quod illas etiam argutias reduxerim, quæ sunt à negatione finis, qui videri poterat esse causa propria illius actionis, ita dixi de S. Apollinari: *cæcis oculos reddens, sicut*.

cum tamen videri minimùm vellet. Finis enim hujus redditionis oculorum videri poterat esse, quòd videri à pluribus vellet; & hæc negatio valet in aliis causis. Aliquando autem à causa formali ducitur argutia, ut cum dixi de S. Thoma Cantuariensi: *Aula jam gravis, quòd levis esse nesciret.* Aliquando ab illa, quæ est quodammodo materialis, ut de S. Petro, *Fidem suam fluctuare passus in mari, quia se Petram meminerat, mergi metuens.* Aliquando etiam ab efficiente, ut si dicas de Phaëthonte: *Fabulas illustravit, quia mundum incendit.* Alia exempla notare poteris præsertim in elogiis, & in Panegyricis Plinii, Pacati, & aliorum.

Septimò, aliquando, & frequentius argutiæ erunt ex oppositis. Constat autem ex logicis quatuor esse oppositorum genera, alia enim opponuntur Relativè, & sunt illa, quorum

rum unum infert aliud, ut Pater Filium, Dominus Servum, Major Minorem, Princeps subditum. Magister discipulum, & in verbis Discere, Docere, Imperare, Parere, & his similia; à quibus frequentissimè ducuntur argutæ: ità dixi de S. Arhanasio; *Antonii magni discipulus, nescias an plura didicerit, an docuerit;* & de Virgine Deipara dicere potuimus: *Nunquam semagis omnium Dominam probans, quàm cum se DEI fateretur ancillam, &c.* Opponuntur alia Privativè; & sunt illa, quorum unum dicit privationem alterius, ut mors vitæ, cæcitas visionis, reëtitudo obliquitatis, & in verbis etiam creare, destruere, mori, vivere. Per hos terminos ità oppositos admirabiles sunt argutæ, ut cum dixi de Dionysio Areopagita: *Mori nesciens, quòd tam bene vivere didicisset.* Alia opposita sunt contraria positiva, & sunt illa, quæ invicem se expellunt ab eodem

tem subjecto, ut calor frigus, senectus pueritia, amare odisse, servire liberum esse, avaritia prodigalitas, &c. & per hæc opposita frequentiores fiunt argutiæ, & contraposita, quæ tantopere faciunt ad nobilitandam orationem, & aliquando quidem in uno periodi membro est unum tantum oppositum cum alio, aliquando duo, aliquando tria, vel plura, quæ sibi invicem, & ex adverso respondent, ut cum dico, *securitatem, quam daret aliis, rapuit sibi*: opponuntur enim dare rapere, aliis sibi, quæ sunt duo opposita: unum verò tantum in hoc, quod dixi de Juda: *semel prodiga extitit avaritia, inexhaustum unica effusione ligurivit ararium*. Aliquando plura, & plura, ut in exemplis, quæ passim occurrunt, licet advertere, in eo præsertim de S. Joanne Chrysostomo: *Ioannes eloquentiâ aureus, tolerantia ferreus; pretiosior fortasse, quod ferreus, quam quod*

*quod aureus: nescias ubi cæperit esse sanctissimus, aut quando desierit. Ubi vides lusum inter aureum, & ferreum; incipere, & desinere, &c. De aliis oppositis non habeo quidquam peculiare. Postremò nonnullæ argutiæ consistunt in disparatis terminis, qui tamen debent continere vel aliquem modum elegantem, vel aliam argutiam, ut patet ex his, de quibus suprâ. Hujusmodi est illud D. Hieron. *Intelligeres illum non emori, sed emigrare, mutare amicos, non relinquere.* Alia multa philosophari possem circa argutias, si suppetere otium, sed laborem hunc peritioribus relinquamus. Moneo tantum eas plerumque consistere in modo proponendi, quem nonnisi ingeniosissimi assequuntur.*

De figuris harmonicis dicerem aliqua, nisi per exercitationem citius, & certius, quam per præcepta, styli refractionem parari longame experientia

scientia docuisset. Pro inveniendis argutiis juvat quàm maximè considerare circumstantias rerum, earundem causas, & effectus, & alia adjuncta, & relationes ad res varias, eodem modo, quo docui inveniendas metaphoras; qui enim hæc omnia percurrat, uberem argutiarum materiam inveniet. Et hæc pro modulò meo paucis adnotasse sufficiat; cæterùm ingenio destituti has observationes non attingent; sinè ingenio enim vel ipsæ Aristotelis præceptiones prorsus inutiles sunt.

CONCLUSIO

Totius Opusculi.

HÆc habui, quæ monerem circa praxim nobilissimæ facultatis. Juvat hic tantùm paucis assignare, quas partes habeant peculiæres quædam orationes, ut sunt fœnebre, Genethliacæ, &c. quæ utilia etiam erunt pro operibus poeticis.

In

In Epithalamio naturæ institutum de nuptiis, affinitatis ingens bonum, sponsi, & sponsæ ætas, genus, & cæteræ dotes celebrandæ sunt. Avertenda deinceps discordiæ mala, vaticinandum de liberis, & eorum virtutibus, &c. ornandum verò epithalamium ritibus antiquis, fabulis morâti, &c. Genethliacum continet duo, auspicia, & laudes parentum: ego verò ipsas etiam parentum laudes reduxerim ad auspicia, quæ sumuntur à loco, ubi quis nascitur, à tempore, à die, ab iis, quæ præcesserunt, ab iis, quæ subsequuntur.

In funebri oratione initium ducitur à dolore orbitatis, quem Civitas, vel Familia, vel ordines alii ceperint. Si adolescens; dicemus illa, quæ de illo erant in spe, si non suppetant alia, quæ fecerit. Si verò sit natu grandior; consule ea, quæ diximus de Propositionibus in exornativo, & de amplificationibus in eodē genere.

Eu:

Eucharisticum, & gratiarum actio
duas habet partes.

Prima ornat beneficium à pretio
ipsius, à persona, quæ dedit, ab ea,
quæ accipit, à modo dandi, à difficul-
tatibus superatis, &c.

Alia pars reddit quodammodo be-
neficium pollicitatione officii, recor-
datione, confessione indignitatis.
Habes exempla in Tullio post redi-
tum ad Quirites, & ad Senatum, & in
Panegyrico Aufonij ad Gratianum.

Aliud est Eucharisticum, in quo
gratulamur illi acceptam dignitatem,
vel imperium, &c. commendabitur
eorum designatio, quâ omnibus præ-
lati sunt ob merita, quæ commemo-
randa; deinde attendenda, quæ præ-
cesserint, quæ sint secuta, Comitia,
Suffragia, Locus, Tempus, Dies, Oc-
casio, & alia, quæ in Pacato, & Plinio
licet observare.

Paranymphæa, & dedicationes li-
brorum tribus rebus, velut gradibus,
asciunguntur,

assurgunt, occasione dedicandi, quæ
vel sumitur ab officio dedicantis, vel
ejus, cui dedicatur, dignitate, &c. rei
dedicatæ explicatione, & excusatio-
ne, postremo commendatione, addi-
tâ fidei, æternique obsequij contestati-
one.

Altera Paranymphæa, quibus si-
stantur initiandi laureâ Doctores,
vel admittendi in curiam, principio
possunt habere aliquid desumptum
à ritibus antiquis gladiatorum, mili-
tum, flaminum; secunda pars scien-
tiæ, cujus infulis ornandus est, vel cu-
riæ continet laudes. Postrema pars
est ejusdem veluti commendatio, &
Sacramentum. Vide Ennodium O-
ratione 10. Omitto alia communia
omnibus laudationibus, pro quibus
habes supellectilem satis amplam in
primo indice chori poetarum latino-
rum.

Præfationes Scholasticæ, & Aca-
demicæ, quales esse possint, habes
num

tum ex Prolusionibus Famiani, tum
 ex Allocutionibus Guinifij. In iis
 lepidum, & festivum est dicendi ge-
 nus, descriptiones crebriores, & amœ-
 næ, stylus planior, & acutus, prover-
 bia multa, denique omnia, quæ ad
 ornatum faciunt. In cæteris cum o-
 rationibus ferme coincidunt. Stylus
 Epistolarum pedestris est, & imita-
 tur familiarem modum, quo utimur
 cum amicis præsentibus: sed omnia
 velle persequi, præter institutum est,
 & infiniti penè laboris. Usus te plu-
 ra docebit. Meminerimus, oportet
 eorum, quæ monuit Cyprianus lib. 1.
 exercitatione, imitatione, & longo
 scribendi usu difficillimam hanc fa-
 cultatem parari. Hæc sunt, quæ in
 Auditorum meorum gratiam, quibus
 omnia debeo, studii tumultuario
 opere complecti ad majorem illius
 gloriam, qui vel linguas in-
 fantium facit esse
 disertas.

OBSER

OBSERVATIONUM I N D E X.

- I. Circa propositionē orationis. pag. 1.*
II. Circa rationem dandi novitatem Propositionibus alioqui satis tritis. 6.
III. Circa rationem variandi Propositionem. 11.
IV. Circa varias rationes variandi propositiones in exornativo. 13.
V. Circa Propositiones metaphoricas in exornativo. 18.
VI. Circa dilatationē argumenti minus ampli in genere exornativo. 22.
VII. Circa rationem pertractandi argumenta, quae amplissima sunt. 27.
VIII. Circa inventionem, & dispositionem argumentorum. 32.
IX. Unde, & quomodo paranda sylva rerum. 39.
X. Circa

X. Circa dispositionem argumentorū.

pag. 47.

XI. Circa modum dilatandi propositiones in amplificatione.

52.

XII. Circa rationem dilatandi propositiones in Periodo.

58.

XIII. Circa exordia.

64.

XIV. Circa varias narrandi formas.

pag. 71.

XV. Circa varios describendi modos.

pag. 75.

XVI. Circa amplificationes in exortivo.

83.

XVII. De Peroratione.

90.

XVIII. Axiomata quedam circa affectus.

93.

XIX. De numero oratorio.

99.

XX. Circa tria genera dicendi.

102.

XXI. Circa varia styli vitia.

106.

XXII. An unus aliquis stylus supra ceteros sit probandus.

113.

XXIII.

XXIII. Circa aliquot rationes variandi elocutionem.	118.
XXIV. Ratio variandi elocutionem per metaphoras.	126.
XXV. Proponuntur aliæ rationes inveniendi metaphoras.	132.
XXVI. Circa perfectiones, & vitia metaphoræ.	138.
XXVII. De variatione dictionis per alias figuras.	144.
XXVIII. Circa varios modos transitionũ, & comparationũ, &c.	147.
XXIX. Quæ gravem, & eruditam faciant orationem.	149.
Ultima, de Argutiis, & variis earundem generibus.	154.
Conclusio totius operis.	162.

FINIS.



MAG 2013

1. The first part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

2. The second part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

3. The third part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

4. The fourth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

5. The fifth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

6. The sixth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

7. The seventh part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

8. The eighth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

9. The ninth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

10. The tenth part of the document is a list of names and addresses, which appears to be a directory or a list of subscribers. The names are written in a cursive script, and the addresses are listed below them. The list is organized into columns, with names in the first column and addresses in the second column.

1

2

3

4

5

